

莒平縣志卷之七

人物志

夫人爲萬物之靈而人之能自異於萬物以名垂不朽者
古今曾有幾人也哉故有爲勲猷懋著之人有爲綱常名
教之人有爲才華邁俗之人有爲獨善自好之人雖出處
顯晦之各有不同而亦所遇之時有幸有不幸耳苟其人
而果無愧於綱常名教卽巾幗之流亦得並傳奕世歷考
諸人誰非闕千載而彌光者乎例得按史傳之法以揚之
至敘封爵於勲德之前者明有爵不可以無德置官俸於

列女之後者明關豎之不如賢婦此則風世者之微意也
是故志人物

封爵

追人封爵見於選舉者茲不重列蓋搜之二
十一史有光于安平者彙敘以為人物之首

周戰國時趙公子成封安平君

見府志

漢鄂千秋以謫者從漢王三年初從定諸侯有功封食邑關內

侯五年高祖即皇帝位論功行封群臣爭功歲餘不決上

以蕭何功最盛封鄼侯食邑八千戶列侯畢已受封奏位

次皆曰平陽侯曹參身被七十創攻城畧地宜第一上已

燒功臣多封何至位次未有以復難之然心欲何第一鄂

千秋進曰群臣議皆誤夫曹參雖有野戰畧地之功此特一時之事夫上與楚相距五歲失軍亾衆跳身遁者數矣然蕭何常從關中遣軍補其處非上所詔令召而數萬衆會上乏絕者數矣夫漢與楚相守滎陽數年軍無見糧蕭何轉漕關中給食不乏陛下雖數亾出東蕭何常全關中待陛下此萬世功也今雖無曹參等百數何缺於漢漢得之不必待以全柰何欲以一旦之功而加萬世之功哉蕭何當第一上曰善於是乃令何第一賜帶劔履上殿入朝不趨上曰吾聞進賢受上賞蕭何功雖高待鄂君乃得明

因於六年八月甲子卽千秋所食邑二千戶更封安平侯
位第六十三孝惠三年子嘉嗣高后八年孫應嗣孝文十
四年曾孫寄嗣孝景二年元孫但嗣元狩元年坐與淮南

王通國除

見漢書

漢楊敞華陰人也給事大將軍幕府爲軍司馬霍光愛厚之稍
遷至大司農元鳳中稻田使者燕蒼知上官桀等反謀以
告敞敞素謹畏事不敢言廼移病臥以告諫大夫杜延年

以聞蒼延年皆封敞以九卿不輒言故不得侯後遷御史
大夫代王訢爲丞相封安平侯明年昭帝崩昌邑王徵卽

位淫亂大光與十騎將軍張光世謀欲廢王更
既定使大司農田延年報敞敞驚懼不知所言浮出滄
徒唯唯而已延年起至更衣敞夫人遽從東箱謂敞曰此
國大事今十將軍議已定使九卿來報君侯君侯不疾應
與大將軍同心猶與無決先事誅矣延年從更衣還敞夫
人與延年參語許諾請大將軍教令遂其廢昌邑王立宣
帝宣帝卽位月餘敞薨謚曰敬本始元年詔曰故丞相安
平侯敞居位守職與大將軍光車騎將軍安世建議策定
以安宗廟功賞未加而薨其益封敞子忠嗣封食二千五

百戶

見漢書

後漢蓋延字巨卿漁陽要陽人也身長八尺彎弓三百斤遊俗

尚勇力而延以氣聞歷郡列棆州從事所在職辦彭寵為

漁陽太守召延署營尉行護軍及王郎起延與吳漢同謀

歸光武延至廣阿拜偏軍號建武侯從平河北光武即位

以延為虎牙將軍建武二年更封安平侯十三年增封食

萬戶十五年薨子扶嗣扶卒子側嗣永平十三年坐罪國

除見漢書

後漢永平九年以安平益封樂成靖王黨

二年立安平王和子經理侯爲甘陵王

嘉三年詔安平王豹

以洪中平元年安平王續國除

後漢建安十八年徙趙王珪爲博陵王二十五年禪魏降爲侯
三國魏嘉平三年遣大鴻臚太僕庾嶷持節策命司馬懿爲相
國封安平郡公食邑五萬戶不受

晉太始元年冬十二月受禪進封皇叔祖司馬孚爲安平王尋
以安平王孚爲太宰假黃鉞大都督中外諸軍事八年春

正月壬辰孚薨子頤襲爵尋改封河間

晉太始九年春正月立安平亭侯隆爲安平王咸寧二年六月
癸丑隆薨三年春正月以隆弟敦爲安平王太康二年敦

薨

晉諸葛恢字道明瑯琊人祖誕魏司空爲文帝所誅父靚奔吳

爲大司馬吳平逃竄不出靚姊爲瑯琊王妃恢弱冠知名

試卽卹長轉沂令爲政和平值天下亂避地江左名亞王

導元帝爲安東將軍以恢爲主簿討周馥有功封博陵亭

侯

北魏李奕封安平侯

北魏爾朱彥伯封博陵郡王

北魏怡光少以父峯有戰勲周文帝賜爵安平縣侯加開府儀

同三司

北魏崔建字興祖廷尉正封安平縣子

西魏博陵王元約

見宋顯傳

北齊崔世立大理少卿授安平縣子

北齊斛律金封安平縣男後進威陽王

北齊高濟封博陵王

北齊陳元康以功封安平子

北齊庠狄迴洛代人也少有武力儀貌魁偉初事爾朱榮爲統

軍預立莊帝轉爲別將賜爵無極伯從破葛榮轉都督榮

死隸爾朱兆高祖舉兵信都迴洛擁衆歸義從破四胡子

韓陵以軍功補都督加後將軍大中大夫封順陽縣子邑

四百戶遷右廂都督轉夏州刺史印山之役力戰有功增

邑通前七百戶世宗嗣事從平穎川天保初除建州刺史

肅宗卽位封順陽郡王大寧初轉朔州刺史食博陵郡幹

轉太子太師遇疾卒

見北齊書

北齊可朱渾天和道元之季弟也以道元勲重尚東平公主累
遷領軍大將軍開府濟南王卽位加特進攻博陵公與楊

愔同被殺 見燕子
獻傳

隋崔宏舟內府監安平郡公

唐崔揣亳州刺史安平公

唐崔擢字揚庭雍州司功叅軍安平男

唐崔幹黃門侍郎博陵公

唐崔輪祠部郎中安平公

宋博陵侯從質 見宋史
宗室系

人物志

安
平
縣
志

卷
之
一

本

題
正
堂

勲德

北魏崔挺字雙根幼孤居喪盡禮少敦學五代同居後頻年饑家始分析挺與弟振推讓田宅舊資惟守墓田而已家徒壁立兄弟怡然手不釋卷鄉人有贍遺挺辭而後受仍亦散之舉秀才射策高第拜中書博士轉侍郎以工書受勅於長安書文明太后父燕宣王碑賜爵秦昌子轉登聞令遷典屬國下大夫以叅議律令賜帛穀馬牛等尚書李冲甚重之孝文以挺女爲嬪後拜昭武將軍光州刺史風化大行及車駕幸兗州召挺赴行在所問以臨邊之畧因及

文章帝甚悅謂曰別卿以來倏焉二載吾所綴文以成一
集今當給卿副本顧謂侍臣曰擁旄者皆如此何憂哉復
還州州舊披城西北數里有斧山峯嶺高峻北臨滄海南
望岱岳挺於頂上欲營觀宇故老曰此嶺上秋夏之際常
有暴雨相傳云是龍道恐此地不可久立挺曰人龍相去
何遠之有虬龍倏忽豈一路乎遂營之數年間果無風雨
之異挺既代卽爲風雨所毀遂莫能立衆以爲善化所感
時以犯罪配邊者多有逃越遂立重刑一人犯罪連亾閔
門充役挺上書以爲周書父子罪不相及以一人犯罪延

及閣門豈不哀哉辭甚雅切帝納之先是州內少鐵器用
皆求之外境挺表復鐵官公私有賴景明初見代老幼泣
涕追隨纒帛送贈悉不納卒贈輔國將軍幽州刺史謚曰
景歷官三十餘年家資不益食不重味室無綺羅閨門之
內雍雍如也欲諸子恭敬謙讓因以孝爲字及葬親故多
有贈賄子推挺素志一無所受有子六人長孝恭

北齊

崔暹字季倫少爲書生避地渤海依高乾以妹妻乾弟慎

慎後臨光州啓暹爲長史趙郡公琛鎮定州辟爲開府諮
議隨琛往晉陽高祖與語悅之以兼丞相長史高祖舉兵

將入洛留暹佐琛知後事謂之曰丈夫相知豈在新舊軍
戎事重畱守任切家弟年少未閑事宜凡百後事一以相
屬握手殷勤至於三四後遷左丞吏部郎主議麟趾格暹
親遇日隆好薦人士言邢邵宜任府僚兼任機密世宗因
以徵邵甚見親重言論之際邵遂毀暹世宗不悅謂暹曰
卿說子才之長子才專言卿短此癡人也暹曰子才言暹
短暹說子才長皆是實事不爲癡也世宗欲假暹威勢諸
公在坐朝令暹後通名因遇以殊禮暹乃高視徐步兩人
擎裾而入世宗分庭對揖暹不讓席而坐觴再行便辭退

世宗曰下官薄有蔬食願公少留遲日迺受勅在臺以檢
校遂不待食而去世宗降堦送之旬日後世宗與諸公出
之東山遇暹在道前驅爲赤棒所擊世宗回馬避之暹前
後表彈尚書令司馬子如及尚書元羨雍州刺史慕容獻
又彈太師咸陽王坦弁州刺史爾朱渾道元罪狀極筆並
免官高祖如京師群官迎於紫陌高祖握暹手而勞之曰
徃前朝廷豈無法官而天下貪婪莫肯糾劾中尉勞心爲
國不避豪強遂使遠邇肅清群公奉法衝鋒陷陣大有其
人當官正色今始見之榮華富貴直是中尉自取高歡父

子無以相報賜暹良馬使騎之以從且行且語暹下拜馬
驚走高祖親爲擁之而授轡魏帝宴於華林園謂高祖曰
目頃所在百司多有貪暴朝廷中有用心公平直言彈劾
不避親戚者王可勸酒高祖降階跪而言曰惟御史中尉
崔暹一人謹奉明旨敢以酒勸並臣所射賜物千匹乞回
賜之帝曰崔中尉爲法道俗齊整暹謝曰此自陛下風化
所加大將軍臣澄勸獎之力世宗退謂暹曰我尚畏羨何
況餘人由是威名日盛內外莫不畏服高祖崩未發喪世
宗以暹爲度支尚書兼僕射委以心腹之寄暹憂國如家

以天下爲己任世宗車服過度誅戮變常言談進止或有
虧失遲每厲色極言世宗亦爲之止有囚數百世宗盡欲
誅之每催文帳遲故緩之不以時進世宗意釋竟以獲免
自出身從官常日宴乃歸侵曉則與兄弟問母之起居暮
則當食視寢然後至外齋對親賓一生不問家事及顯祖
踐祚譖毀之者不息令都督陳山提等搜遲家甚貧匱惟
得高祖世宗與遲書千餘紙多論軍國大事帝嗟賞之仍
不免衆口乃流遲於馬城晝則負土供役夜則置地牢歲
餘奴告遲謀反鑠赴晉陽無實釋而勞之尋遷太常卿帝

謂群臣曰崔太常清正天下無雙卿等不及初世宗欲以
妹嫁暹子會崩遂寢至是群臣議於宣光殿貴戚之子多
在焉顯祖歷與之語於坐上親作書與暹曰賢子達挈甚
有才學亾兄女樂安公主魏帝外甥內外敬待勝朕諸妹
思成大兄宿志乃以主降達挈天保末遷右僕射十年暹
以疾卒帝撫靈而哭贈定州刺史謚曰貞節

北齊崔昂字懷遠七歲而孤伯父孝芬嘗謂所親曰此兒終當
遠至是吾家千里駒也性端直少華沉深有志畧堅實
傾動少好章句頗綜文詞世宗廣開幕府以爲記室叅

委以度心之任世宗入輔朝政召爲開府長史時勲將親
族賓客在都下放縱多行不軌昂受密旨以法繩之內外
齊肅遷尚書左丞其年又兼度支尚書朝野榮之武定六
年甘露降於宮闕文武官僚同賀顯陽殿魏帝問僕射崔
暹尚書楊愔等曰自古甘露之瑞漢魏多少可各言往代
所降之處德化感致所由次問昂昂曰吉凶兩門不由符
瑞故桑雉爲戒寶啓中與小鳥孕大未聞福感所願陛下
雖休勿休允答天意帝爲歛容曰朕旣無德何以當此齊
受禪遷散騎常侍兼太府卿大司農卿二寺所掌世號繁

劇玷校理有術下無姦僞經手歷目知無不爲朝廷嘆其
至公又奏上橫市妄費事三十四條與太子少師邢邵議
定國初禮封華陽縣男又詔刪定律令損益禮樂令尚書
右僕射薛琚等四十三人在領軍府議定又勅昂云若諸
人不相遵納卿可任事啓昂奉勅部分科條校正今古
所增損十有七八轉廷尉卿顯祖幸東山召昂於御座前
謂曰舊人多出爲州我欲臺閣中相付常用卿爲令僕勿
望刺史卿六十外當與卿本州中正府不可得也後九卿
以上陪集東宮帝指昂及尉瑾司馬子端謂太子曰此是

國家柱石汝官記之未幾復侍讌金鳳臺帝歷數諸人咸
有罪負至昂曰崔昂直臣魏收才士婦兄妹夫俱省罪過
天保十年策兼右僕射數日卽拜爲眞楊愔少時與昂不
平顯祖崩後遂免昂僕射除儀同三司後坐事除名復遷
祠部尚書天統元年卒贈趙州刺史

北周

崔猷字宣猷孝芬子少好學風度閑雅性鯁直有軍國籌

畧釋褐員外散騎侍郎領大行臺郎中轉爲吏部尚書李
神儻所薦拜通直散騎侍郎攝尚書駕部郎中普泰初除
征魯將軍司徒從事中郎旣遭家難遂間行入關及謁孝

武哀動左右帝爲之改容既退帝日送之曰忠孝之道萃此一門卽以本官奏門下事大統初兼給事黃門侍郎封平原伯邑八百戶二年正除黃門加中軍將軍擒竇泰復弘農破沙苑猷常以本官從軍典文翰五年除司徒左長史加驃騎將軍時太廟初成四時祭祀猶設俳優角抵之戲其郊廟祭官多有假兼猷屢上疏諫書奏並納焉遷京兆尹時婚姻禮廢嫁娶之辰多舉音樂又堰里富室衣服奢淫乃有織成文繡者猷又請禁斷事亦施行與盧辨等勅修六官十二年除大都督驃騎將軍浙州刺史加車騎

大將軍儀同三司十六年大軍東征賜以馬輿命隨軍籌
議十七年進侍中驃騎大將軍本州大中正賜姓宇文氏
魏恭帝元年太祖欲開梁漢舊路乃命猷督陸騰等五人
率衆開廻車路鑿山堙谷五百餘里至於梁州卽以猷爲
都督梁利等十二州白馬儻城二防諸軍事梁州刺史及
太祖崩始利沙典等諸州阻兵爲逆信合開楚四州亦叛
惟梁州境內民無二心利州刺史崔謙請援猷遣兵六千
赴之信州糧盡猷又送米四千斛二鎮獲全猷之力也進
爵固安縣公邑二千戶猷深爲晉公護所重護養猷第三

女爲已女封富平公主世宗崩遺詔立高祖晉公護謂猷
曰魯國公秉性寬仁太祖諸子之中年又居長今奉遵遺
旨翊戴爲主君以爲何如猷曰殷道尊尊周道親親今朝
廷旣遵周禮無容輒違此義護曰天下事大但恐畢公冲
幼耳猷曰昔周公輔成王以朝諸侯况明公親賢莫二若
行周公之事方爲不負顧託事雖不行當事稱其守正保
定元年重授總管梁利開等十四州二防諸軍事梁州刺
史尋爲司會天和二年陳將華皎來附護議南伐公卿莫
敢正言猷獨進曰前歲東征死傷過半比雖加撫循而瘡

夷未復近者長星爲災乃上天所以垂鑒誠也誠宜修德
以禳天變豈可窮兵極武而重其譴負哉今陳氏保境息
民其敦降好無容違盟約之重納其叛臣興無名之師利
其土地詳觀前載非所聞也護不從其後軍果敗隋文帝
踐極以猷前代舊齒授大將軍進爵及郡公增邑通前三
千戶開皇四年卒謚曰明

唐崔縱渙之子由協律郎遷監察御史會詔擇令長授藍田令
德化大行縣人立碑頌德父渙貶縱棄職就養後爲涇西
水陸運兩稅鹽鐵使王師圍田悅乏食詔縱餉四節度糧

軍無乏德宗出奉天方鎮兵未至縱勸李懷光奔命悉軍財稱所須懷光兵疲久戰次河中遷延不進縱以金帛先渡曰濟者卽賜衆趨利爭西遂及奉天遷京兆尹上言懷光反覆不情宜備之及帝徙梁州追扈不及左右短縱素善懷光殆不來帝曰知縱者朕也非爾輩所及後數日至授御史大夫處大體不急細事獄訴付成僚屬而已自正興內外官冗濫時議併省縱奏兵未息仕進者多緒在官則累遷有功而褒賞不可廢也比選集乃據闕留人怨望滋結朝廷頻詔錄勞而諸道敘優日廣若停減吏員非但

濟優渥無寧可叙亦恐序進者無路勝置矣詔可貞元元
年天子郊見爲大禮使歲旱用屈縱樽裁文物儉而不陋
除吏部侍郎尋爲河南尹時兵雖定民彫耗縱治簡易蠲
畧細苛先是戍邊者道由洛儲餼取於民縱始令官辦使
五家相保自占發歛以絕胥吏之私及引伊洛漑高仰通
利里閤人甚宜之入爲太常卿封常山縣公卒年六十二
贈吏部尚書謚曰忠初渙爲元載所抑縱訖載世不求聞
達渙有嬖妾縱以毋事之妾剛酷雖縱顯官而數管詬然
率妻子候顏色承養不懈時以爲難

唐崔瑄字從律舉進士賢良方正皆高第累辟諸使府入朝
歷吏部員外李德裕任御史中丞引知禮事進給事中太
和初持節宣慰盧龍使有指及與元殺李絳復往慰撫軍
皆按堵還遷工部侍郎京兆尹宋申錫爲讒所危宦豎切
齒時罕敢辨者瑄與大理卿王正雅固請出獄付外與衆
治之天下重其賢以尚書右丞出爲荆南節度使進左丞
時弟琪任京兆尹並據顯劇處世以爲榮俄判兵部西銓
吏部東銓徙東都留守以吏部尚書召辭疾不拜會昌中
終山南西道節度使贈尚書左僕射瑄行方介有器蘊人

屬以爲相而卒不至當時其咨云弟璪刑部尚書頃
節度使

唐崔珙爲人有威重精吏治以拔萃異等累擢至泗州刺史
太府卿爲嶺南節度使入對延英文宗訪治撫後先璪
精亮有理趣帝咨璪迂久時徐州以王智興後軍驕數
法節度使高瑀未能制天子思才望威烈者檢革其弊
珙意慷慨又知治泗得士心卽謂宰相曰欲武寧節度
者無易珙才遂以珙代瑀居二歲徐人戢畏入爲右金吾
大將軍遷京兆尹會大旱奏析澆入禁中者取十九澆民

田開成末累進刑部尚書諸道鹽鐵轉運使俄同中書門

下平章仍領鹽鐵即拜中書侍郎會昌二年進位尚書左

僕射尋以太子少師分司東都留守復節度鳳翔卒於官

明張鳳字子儀益之子母李氏夢大星出懷而生鳳益任

從成祖北征監軍邊外以主將失利被執抗節不屈死

耗北望悲號哀毀骨立讀書攻苦祁寒暑雨不輟登真德

丁未進士授刑部江西司主事時江西以豪民為逆

甚眾推訊得情劾狀上聞獲免死者數百人能聲大

聖本部右侍郎尋調南京戶部侍郎收支糧草舊

憲臣提督至是勅公兼督之上疏謂南京重地歲宜積穀
二百萬石並俞允上以鳳奉法持正人不敢干以私故信
任如此轉南京兵部尚書叅贊機務執法不阿風節益著
時人呼爲板張朝廷亦知之以足疾乞休未允卒於官賜
祭葬年六十六鳳賦性剛直遇事敢爲臨大事決大議毅
然有主朝野咸倚賴焉歷官四十年勤慎如一可稱一代
名臣矣祀鄉賢

國朝

名宦

人物鍾靈山岳固皆載本地之高英也然名宦諸人實皆有功於斯地者故並列人物卷內此名宦鄉賢所以

並崇

祀典

度李燧字德公父固策免知不免禍遺三子歸里時燧年十三

姊文姬爲趙伯英妻賢而有智見二兄歸具知事本默然

獨悲曰李氏滅矣自李公以來積德累仁何以遇此密與

二兄謀預藏燧難作二兄受害文姬告父門生王成曰君

執義先公有古人之節今委君以六尺之孤李氏存滅其

在君矣成乃將燧東下入徐州界內燧姓名爲酒家傭而

成賣卜於市陰相往來燧從受學酒家異之意非恒人以

女妻之燮專精經學十餘年梁冀誅太赦天下並求固嗣
燮以本末告酒家遂還鄉道服姊弟相見悲傷旣而戒燮
曰先公正直爲漢忠臣而遇朝廷傾亂梁冀虐令吾宗血
食將絕今弟幸而得濟豈非天耶宜杜絕衆人勿妄往來
慎無一言加於梁氏加梁氏則連主上禍重至矣惟引咎
而已燮從姊譟王成卒燮以禮喪之四時設位祠焉徵拜
議郎廉方自守所交皆舍短取長好成人之美靈帝時拜
安平王相安平王續爲張角賊所畧國家贖王得還朝廷
議復其國燮奏曰續在國無政爲賊所虜守藩不稱損辱

聖朝不宜復國時議不同續竟歸藩爨由是坐免未歲王
果坐不道被誅乃擢爨爲河南尹時以貨賂爲官爨上書
切諫帝乃止先是潁川甄邵附冀爲鄴令有同歲生得罪
於冀亾命邵佯納而陰以告冀捕殺之邵當遷郡守會母
亾邵埋屍馬屋先受封後發喪邵至洛陽爨塗遇之使卒
投車於溝中笞捶亂下署其背曰諂貴賣友貪官埋母具
表其狀邵遂廢錮爨在職二年卒時人感其世篤忠貞咸
傷悼焉爨爲安平相遂家安平至十二世孫德林百藥父
子賢名復顯其先漢中南鄭人也

國徐邈字景山，剡人也。魏召爲丞相軍謀掾，歷譙、相、平陽、安平太守、潁川典農中郎將。所在著稱，拜司空，賜爵關內侯。盧欽稱邈曰：徐公志高行潔，才博氣猛，其施之也高而不猶潔，而不介博而守約，猛而能寬。聖人以清爲難，而徐心之所易也。或問欽：徐公當武帝之時，人以爲通，自在涼州及還京師，人以爲介，何也？欽答曰：往者毛孝先、崔季珪等，用事貴清素之士，于時皆變易車服以求名高，而徐公不改其常，故人以爲通。比來天下奢靡，而徐雅尚，自若不與俗同，故前日之通，乃今日之介也。是世人之無常，而徐公

之有常也嘉平元年年七十八以大夫薨於家用公禮葬
蓋曰穆侯六年朝廷思清節之士詔曰故司空徐邈歷事
四世出統戎馬入贊庶政忠清在公憂國忘私不營產業
身沒之後家無餘財朕甚嘉之其賜邈家穀二千斛錢三
萬布告天下今祀名宦

三國王基字伯興東萊曲城人以孝稱年十七郡召爲吏非其
好也遂遊學魏辟基爲中書侍郎明帝盛修宮室百姓勞
瘁基上疏諫遷安平太守爲政清嚴有威惠時曹爽專柄
風化凌遲基著時要論以切世事以疾徵起爲河南尹

未拜出爲荊州刺史加揚烈將軍隨王昶擊吳諸葛誕反
基以本官行鎮東將軍都督揚豫諸軍事時大軍在項以
賊兵精詔基歛軍堅壁基屢啓求進討會吳遣朱異來救
誕軍於安城基又被詔引諸軍轉據北山基謂諸將曰今
圍壘轉固兵馬向集但當精修守備以待越逸而更移兵
守險使釋放縱雖有智者不能善後矣遂守淮南初定轉
基爲征東將軍都督揚州諸軍事進封東武侯基上疏固
辭甘露四年轉爲征南將軍都督荊州諸軍事益封並前
五千七百戶景元二年薨贈司空諡曰景侯

三國盧毓字子家涿人也父植有名於世毓十歲而孤遇亂二
兄死難幽冀饑荒養寡嫂孤兄子以學行稱爲冀州主簿
遷丞相法曹議令史魏文帝踐祚爲黃門侍郎出爲梁譙
二郡太守失帝意左遷典農校尉毓心在利民百姓賴之
遷安平廣平太守所在有惠政青龍二年入爲侍中上言
論古今科律之意以爲法宜一正不宜有兩端使奸吏得
容情在職三年多所駁爭詔曰官人秩才聖帝所難必須
良佐進可替否侍中毓稟性貞固心平體正可謂明試有
功不懈於位者也其以毓爲吏部尚書使毓自遷代齊王

卽位賜爵關內侯時曹真秉權樹黨徒毓爲僕射以何晏
代毓頃之又出毓爲廷尉司隸真見收復爲吏部尚書加
奉車都尉封高樂亭侯正元三年進爵容城侯邑二千三
百戶甘露二年薨謚曰成侯

晉華嶠字叔駿祖歆清德高行魏大尉父表魏散騎黃門卽遷
侍中嶠才學深博少有令聞晉文帝爲大將軍時辟爲掾
補尚書郎轉車騎從事中郎太始初由太子中庶子出爲
安平太守尋以親老辭

北魏崔習秉之弟字貴禮有世譽歷司徒主簿彭城王勰開府

屬遷幽州長史調博陵太守吏民敬愛之在郡九年轉河
東太守卒於郡年五十一贈中山太守孝昌三年復贈後
將軍并州刺史

西秦王充新平氏也符堅時守博陵燕慕容麟攻充甚力充糧

竭矢盡誓不棄城功曹張倚踰城出聚眾應麟充登城數

之曰卿秦之民也予卿之君也卿起兵應賊號義兵何名

實相怙也古人求忠臣於孝子之門卿母在城棄而不顧

吾何有焉卿寧能免不忠不孝之罪乎吾不意中國禮義

之邦乃有如卿者耶及城破被執充不屈而死嗚呼死生

之際大義所關若究者其誠義士也哉張倚真大魏弗若

矣載府志

唐賈循京兆人為博陵太守祿山叛遷守幽州與顏杲卿同傾

賊巢遇害建中二年贈太尉謚曰忠貞

元張周真定人由進士任安州判官轉安平縣令大振儒教綽

有政聲今祀名宦

元張旨不知其何處人也舊志載其勸民輸粟以濟饑荒浚河

疏流溉田數萬頃民永賴之今祀名宦

勿謂其誠元時名宦也其詳見

元王從政薊州遵化人由國子生為安平尹清慎而愛民政

著聞今祀名宦

元楊秉仁字思誠棗之右族由父蔭授鉅鹿尉有能聲至正壬午冬來佐安邑適尹以疾去滌篆有惠政民咸悅服豐碑紀蹟列祀名宦

明耿福緣四川金臺人永樂初爲安平縣丞廉能才幹撫民有方後以母憂去耆老百餘人赴闕請留勅吏部記名照勘比服闋邑民又懇請復任惠政遺民今祀名宦

明許順河南安陽人由進士授安平知縣舊志稱其持身端謹蒞政公勤築城池公賦役秋滿陞太僕寺丞今祀名宦

明王翊河南許州人正德三年知安平先是民多爭訟邑弗能
析輒愬之府故府檄勾稽無虛日翊隨事剖析迎刃而解
曲中其情民自以爲弗寃府由是無愬之者而廳案晝寂
雖隣邑求直當道亦徃徃乞下翊其明斷類如此視學政
久弛風化漸漓迺圖修舉自堂號齋舍廟廡門垣次第加
繕足崇禮祀諸生條教常規外別爲私程以課進修政服
親爲講經日移弗倦而勸賞有格供億有常士始知學邑
有社學久爲人占翊復之擇可爲師者俾居以訓蒙士每
里仍立一區群弟子而教之朔望考閱以勵勤怠河間真

定神武三衛屯舊在安平軍士相沿殊不奉約束翽以
既居吾土不從吾教可乎朕有他變責將誰諉因立碑
編總小甲以聯屬之申嚴其令仰不得肆有梗頑者即
以法幸未群盜起畿甸攻城屠邑漸至淫掠翽築堤挑壘
高城深池曲爲捍禦賊衆攻城以身督民兵奮死守之卒
保其城及擢德州守去任民遮道攀留悲隨如失情恃爲

立去思碑祀名宦

詳載府志

明陸載河南孟津人正德十三年授安平知縣舊志稱其六事
備舉而學校農桑尤其汲汲焉者築堤防民多賴之祁州

安平縣志 卷之十 人物 四
博野無極三處奏保默受其賜也嘉靖年科目之盛公有

以作之矣陞戶部主事官至知府今祀名宦志無其六

明郭學書河南禹州人由舉人授安平知縣嘉靖二十年歲值

荒歉募粟賑濟修廢舉墜厥功居多政存仁恕有古循良

風撫按交薦調繁河間百姓哀泣遮留不得為立遺愛碑

後陞戶部主事遷湖廣寶慶知府仕至陝西行太僕寺少

卿今祀名宦

明李時芳號遼東貢士萬曆十年授安平令治行高卓操

守無染重葺學宮特建賓館修廢舉墜訓士愛民有神於

安邑者未易悉數如鹽鍋納稅免派商鹽一事議雖倡於前令適前令以譴去未及舉行下車卽力主成之地方永受其福久而不忘簪纓累代世有顯名曾孫李文英刺史深州人咸頌清白吏之有賢子孫云

國朝康熙二十五年閣邑紳民公呈詳請崇祀名宦

明何翦南直泰興人由舉人萬歷二十二年授安平知縣下車

卽培城基闢水關河防賴之商鹽累民力請免派引鹽聽民煎食納稅真莫大之仁政也他如清逋負而夙弊頓絕究侵漁而積奸立破民生永賴立祠祀之

明孔聞俊至聖六十二代孫山東曲阜人崇禎九年以明經授
安平令蒞任之初睹武備廢弛公喟然曰令有城守責猝
有變曷以禦之遂置護城門增築雉堞千餘每堞懸有箭
牌至於干櫓火噐圓木滾石犁然具備公又曰不教而戰
是棄民也募鄉勇數百時勤訓練戊寅之役敵薄東北城
下飛矢參天駕梯攀擁直上公披戎服率先登埤撓城拒
守中流矢弗懼城賴以存是時隣封州縣所在失陷叢爾
安邑不至懼屠戮之慘者公之力也閏五月竟以箭創卒
論功定議贈尚寶司卿廕一子入監賜祀春秋邑人更爲

立祠以崇報焉守城戰歿者二十八人俱從祀公祠姓氏
另有傳載忠節

國朝

卷之六

卷之六

三

三

忠節

漢崔琦字子瑋少遊學京師以文章博通稱初舉孝廉爲郎河
南尹梁冀聞其才請與交冀多行不軌琦數引古今成敗
以戒之冀不能受作外戚箴以獻冀不從琦又作白鵠賦
以諷之梁冀呼琦問曰百官外內各有司存天下云云豈
獨吾人之尤君何激刺之過乎琦曰昔管仲相齊樂聞譏
諫之言蕭何佐漢乃設書過之吏今將軍累世自輔任齋
伊周而德政未聞黎元塗炭不能結納貞良以救禍敗反
欲鉗塞士口杜蔽聖聽將使九黃靡色馬鹿異形乎冀無

以對因遣琦歸除臨濟長不敢之職解印綬去冀令刺客
陰求殺之客見琦耕於陌上懷書一卷息輒偃而詠之客
哀其志以實告曰將軍令吾要子今見君賢者情懷不忍
可亟自逝吾亦於此亾矣琦得脫走冀後竟捕殺之祀鄉
賢

北魏崔忻秉之長子字伯悅有世幹爲荊州平南府外兵叅軍
北道行臺常景引爲行臺郎又除員外郎復爲安遠將軍
莊帝初遇害於河陰年四十二贈鎮軍將軍殿中尚書冀

州刺史

北魏崔仲哲性恢達常以將畧自許薛司徒行參軍假寧朔將軍統軍從廣陽王淵北討擊柔元賊破之賜爵安平縣男及父乘於燕州被圍泣訴朝廷遂除別將與都督元譚赴援到下口遇賊仲哲戰歿時年三十五

北魏崔楷字季則美風望性剛梗有幹具釋褐奉朝請員外散騎侍郎後爲尚書左主客郎中伏波將軍太子中舍人在中郎將性嚴烈能摧挫豪強故時人語曰莫猶獬豸崔楷京兆王繼爲大將軍西討引楷爲司馬遷轉後將軍廣平太守後葛榮轉盛諸將拒擊並皆失利孝靜初加楷持節

散騎常侍光祿大夫兼尚書北道行臺尋轉軍司未幾分
定相三州四郡置殷州以楷爲刺史加權將軍葛榮自破
章武廣陽二王之後鋒不可當初楷將之州人咸勸畱家
口單身述職楷曰食人之祿憂人之事如一身獨往朝廷
謂吾有進退之計將士又誰肯爲人固志也遂合家赴州
三年春賊勢甚逼州旣新立了無禦備之具楷率力抗拒
强弱勢懸每勒兵士撫厲之莫不爭奮咸稱崔公尚不惜
百口吾等何愛身速戰半旬死屍相枕力竭城陷楷執節
不屈賊遂害之年五十一長子士元舉茂才平州錄事叅

軍假征魯將軍防城都督隨楷之州州陷亦戰歿楷兄弟
父子並死王事朝野傷歎焉贈將軍定州刺史又贈驃騎
大將軍冀州刺史士元弟士謙士約並歿關西

北魏

崔巨倫字孝宗幼孤長涉經史有文學武藝叔楷爲殷州

巨倫爲長史州陷葛榮聞其才名欲用爲黃門侍郎巨倫

心惡之至五月五日會集官僚令巨倫賦詩巨倫曰五月

五日時天氣已大熱狗便呀欲死牛復吐出舌以此沈疠

獲免未幾潛結死士數人夜中南走逢賊遊騎數百俱恐

不濟巨倫曰寧南死一寸豈北生一尺也便賊賊相吞受

勅而行賊不信共焚火觀勅火未然巨倫爭恐帥餘人因
與奮擊殺傷數十人賊乃四潰得馬數匹而盡森陰哭道
惟看佛塔戶而行到洛朝廷嘉之授持節別將北討初楷
喪之始巨倫收殯倉卒事不周固至是遂偷路攻殯並竊
家口以歸尋授國子博士莊帝卽位假節中堅將軍東濮
陽太守假征虜將軍時河北紛梗人避賊多往郡界歲餘
饑乏巨倫傾資贍恤務相全濟時類高之莊帝還宮封漁
陽縣開國男邑二百戶尋除光祿大夫三年卒時年四十一

北魏崔孝演字則伯出繼伯父性通率美鬚髯姿貌魁傑少無宦情沈浮鄉里河間王琛爲定州刺史以爲治中尋除瀛州安西府外兵叅軍因罷歸及鮮于修禮起逆孝演率宗族保郡城爲賊攻陷賊以孝演民望恐移衆心乃害之時年四十無子弟孝直以子士遊繼之

北魏崔元珍挺從弟釋褐司徒行叅軍遷司徒主簿又爲司徒從事中郎有公平稱後遷中散大夫加征魯將軍正光末山胡作逆除平陽太守假右將軍爲別將以討之頻破胡賊郡內以安武泰初改郡爲唐州仍除元珍爲刺史加右

將軍以被胡勲賜爵涼城侯爾朱榮之趨洛遺其都督樊
子鵠取唐州元珍與行臺鄺暉拒守不從爲子鵠所陷被
害世咸痛之

北齊

崔遊字延叔少有風概釋褐奉朝請稍遷太尉主簿江州
刺史陳伯之啓爲司馬還除奉車都尉大都督中山王英
征義陽引爲錄事叅軍尋轉司馬及英敗於鍾離遊坐徙
秦州久而得還大將軍高肇西征引爲統軍除步兵校尉
遷豫州征魯府長史未幾除征魯將軍北趙郡太守熙平
末轉河東太守並有政績號爲良守以本將軍遷涼州刺

史以母憂解任正光中起除右將軍南秦州刺史固辭不
免正光五年夏秦州城人殺刺史李彥據州爲逆數日之
後遊知必不定謀欲出外尋爲城人韓祖香孫繆攻於州
館遊事窘登樓忼慨悲歎乃推下小女而殺之義不爲群
小所辱也尋爲祖香等所執害時年五十二永安中贈鎮
北將軍定州刺史

唐崔瓘士行修謹累官澧州刺史政不煩苛流亡還歸居二年
增戶數萬詔特進五階以旌之大厯中遷湖南觀察使時
將吏多縱弛不奉法瓘以禮法繩裁之人甚嚴憚久之別

將構難瓘被害胡廷甚悼惜之

唐崔倫字叙居父喪既護柩行千里道路爲流涕廬塚彌年服除及進士第歷吏部員外郎安祿山反陷于賊不污僞官使子弟間表賊事賊平下遷晉州長史李齊物訟其忠授長安令封武邑縣男寶應二年以右庶子使吐蕃虜背約畱二歲執倫至涇州逼爲書約城中降倫不從更囚邏娑城闕六歲終不屈乃許還代宗見之爲感動嗚咽卽具陳魯情僞山川險易指畫帝前人服其詳遷尚書左丞以疾改太子賓客卒年七十二贈工部尚書謚曰敬

明張益字克謙洪武丙午膺薦入太學永樂初吏科孫麟薦益
才行卓越授刑科給事中立朝侃侃敢言平反冤獄全活
甚衆轉禮科右給事中時天威嚴重群臣奏對多失序益
代陳明辯稱旨上呼爲響張特示寵渥焉己丑扈駕幸北
京會兀良哈數爲邊患命監北軍深入失利被執敵持刃
脅降曰生爲大明臣死爲大明鬼非死無以報國敵憐其
忠竟棄之時天寒兼雨雪跣足南行數百步墮然而卒年
四十二追贈戶部尚書以袞冠葬祀鄉賢

明王健由監生任刑部員外正統己巳之變與子均佐俱死於

邊追贈奉訓大夫廕子均輔入監授上林苑典署

明遠杲由校尉任錦衣衛百戶翼戴英廟復辟超陞本衛指揮
同知以直道死於賊臣之手有諭祭文

明張平西遼城村人也嘉靖四十四年村民馬相等以白蓮教
聚衆謀逆平罵賊被殺事聞廕一子冠帶總旗

明生員高有聲武生李邦才義勇民李向選李向學郭良知張

璫王昌印劉用世高茂劉順才任寅李登友李運昌高法

王福齊王三才馬駟象馬朝鳳王策言王正印李巖劉進


才畢三劉可孝陳應祿李赤夫崔龍藩自保以上二十八

人戊寅之變守城戰歿今皆從祀孔公祠

明士振基由武生授千總防禦獲鹿縣崇禎戊寅城陷戰歿祀

本府節烈祠

國朝



正魚

漢崔均字州平少交結英豪有名稱由虎賁中郎將遷為西河

太守獻帝時董卓亂政均與袁紹俱起兵山東志期匡扶

王室剪除元兇卓卒被誅父烈靈帝時因傳母入錢五百

萬為司徒均以微言諫父烈怒舉杖擊之均狼狽而走烈

罵曰父撻而走孝乎均曰舜之事父小杖則受大杖則走

非不孝也烈慙而止均之守正不撓蓋如此

舊志載祀鄉賢今查現祀

木主並無其位康熙

二十六年補置訖

晉崔洪字長伯少以清厲顯名骨鯁不同於物人之有過輒面

折之而退無後言武帝時爲御史治書時長樂馮恢從爲
宏農太守愛少子淑欲以爵傳之恢父終服闋乃還鄉里
結草爲廬陽瘖不能言淑得襲爵恢始仕爲博士祭酒散
騎常侍翟嬰薦恢高行邁俗侔繼古烈洪奏恢不敦儒素
令學生番首左右雖有讓侯微善不得稱無倫輩嬰爲浮
華之口遂免嬰官朝廷憚之尋爲尚書左丞時人爲之語
曰叢生荆棘來自博陵在南爲鵠在北爲鷹遷吏部尚書
舉川甄明門無私謁薦雍州刺史郤詵代已爲左丞詵後
糾洪洪謂人曰我舉郤丞而還奏我是挽弓自射也詵聞

曰昔趙宣子任韓厥爲司馬以軍法戮宣子之僕宣子請
諸大夫曰可賀我矣我選厥也任其事崔侯爲國舉之
以才見用惟官是視各明至公何故私言乃至此洪啓
言而重之洪口不言貨財手不執珠玉後爲大司農

官

北魏崔振字延根挺之弟少有學行居家孝友爲宗族所稱

中書學生爲秘書中散在內謹勅爲高祖所知出爲冀州
司馬在任久之太和二十年遷建威將軍平陽太守不拜
轉高陽內史高祖南討徵兼尚書左丞留京振旣才幹被

擢當世以爲榮後改定職令振資惟五品詔曰振在郡著
蹟宜有褒升除太子庶子景明初除兼廷尉少卿振有公
斷以明察稱河內太守陸琇與咸陽王禧謀逆事敗發振
窮治之時琇內外親黨及當朝貴要咸爲之言振研覈切
至終無縱緩遂斃之獄其執法如此正始初除龍驤將軍
四州刺史在任有政績還除河東太守永平中卒於郡年
五十九贈本將軍兗州刺史謚曰定

唐崔元暉少以孝行稱舉明經爲高陵主簿居父喪盡禮廬有
燕更巢其乳母盧氏有賢操訓子甚嚴故元暉以清自養

母以哀毀甘露降庭樹後以庫部員外郎遷鳳閣舍人長
安元年爲天官侍郎不受私謁執政忌之改文昌左丞不
踰月武后曰卿向改職乃聞令史設齋相慶此欲肆其貪
耳卿爲朕還舊官乃復拜天官侍郎厚賜綵物三年授鸞
臺侍郎鳳閣平章事兼太子左庶子四年遷鳳閣侍郎
宋璟劾張昌宗不軌事元暉頗助璟及有司正昌宗罪而
元暉弟昇爲司刑少卿執論大辟兄弟守正如此以誅二
張功爲中書令博陵郡公后遷宮顧元暉曰諸臣進皆因
人而元暉我所羅何至是對曰此正所以報陛下也俄拜

博陵郡王罷政卒謚曰獻

祀鄉賢

唐崔渙博綜經術長論議十歲居父喪毀辟加人陸元方異之
起家亳州司功叅軍還調入判者千餘吏部侍郎嚴挺之
施特榻試彛尊銘謂曰子清廟器故以題相命累遷司門

員外郎楊國忠惡不附已出爲巴西太守元宗西狩迎謁
於道帝見占奏以爲明治體恨得之晚房瑄薦之卽拜門
下侍郎同中書平章事肅宗立與韋見素等同赴行在時
京師未復舉選不至詔渙爲江淮宣諭選補使收采遺逸
不以親故自嫌常曰抑才虞謗吾不忍爲遷左散騎常侍

兼餘杭太守江東採訪防禦使入遷吏部侍郎集賢院待
制簡淡自處時望尤重遷御史大夫元載輔政與中官董
秀盤結固寵渙疾之因進見慨然論載姦代宗曰載雖非
重慎然協和中外無間然能臣也對曰和之爲貴者由禮
節也不節之以禮焉得和今干戈甫定品物思又載爲宰
相宜明制度易海內耳目而枯權樹黨毀法爲通鬻恩爲
恕附下苟容乃幽國卑主術臣所未喻帝默然載諷皇城
副留守張清撻其非貶道州刺史卒贈太子太傅謚曰元
唐崔造字元宰與韓會盧東美張正則友善好言當世事皆自

謂主佐才故號四藝浙西觀察使李柎錡辟爲判官累遷
左司員外郎徙建州刺史朱泚亂造馳檄比州發所部兵
二千以待命德宗嘉之京師平召還至藍田白以舅源休
與賊同逆上疏請罪帝以爲有禮下詔慰勉擢給事中貞
元二年以給事中同中書門下平章事帝謂造敢言能立
事故不次用之

唐崔遠有文學而風致整峻時人目爲俞座梨言爲座所珍也
乾寧中以兵部侍郎同中書門下平章事遷中書侍郎從
遷洛罷爲尚書左僕射爲柳璨所陷貶爲白州長史破殺

於白馬驛家沒掖庭人咸惜之

唐李安期百藥之子父貶桂州遇盜將加以刃安期跪泣請
盜哀釋之貞觀初爲符璽郎累除主客員外郎高宗卽位
遷中書舍人司列少常伯預決國事帝責侍臣以不能進
賢衆不能對安期進曰臣十室且有忠信天下至廣不爲
無賢此見公卿有所薦進皆劾爲朋黨滯抑者未伸而主
薦者已訾所以人人爭噤默以避囂謗若陛下忘其親仇
曠然受之惟才是用塞讒毀路其誰敢不竭忠以聞土乎
帝稱之尋檢校東臺侍郎同東西臺三品出爲荊州大都

督府長史華謚田穰

唐崔祐甫博陵人第進士調安尉安祿山陷洛陽祐甫冒矢

在入私廟携米主以避自起居舍人累遷中書舍人時侍

郎關祐甫攝省事數與宰相帶袞爭議不平袞怒使知吏

部選每擬官袞輒駁異祐甫不爲下會朱泚軍中貓鼠同

乳表其瑞詔示袞袞率群臣賀祐甫獨曰可乎不可賀詔

使問狀對曰臣聞禮避貓爲其食田鼠去人害也今貓受

畜乎人不能食鼠而反乳之無乃失其性邪臣愚以爲當

命有司察貪吏祧邊候勤徼巡則猫能致功鼠不爲害代

宗異其言袞益不喜帝崩袞方入臨遣從吏扶立殿墀上
祐甫指之謂衆曰臣哭君臣有扶禮乎袞不勝怒乃劾祐
甫率情變禮撓國典遂改河南少尹是時郭子儀人言祐
甫不宜貶帝卽兩換職拜祐甫門下侍郎同中書門下平
章事俄改中書侍郎自元載用事非賄謝不與官刻塞公
路綱紀之壞載誅時袞當國懲其弊凡奏請一杜絕之然
無所甄異賢愚同滯及祐甫則薦舉惟其人不自信畏未
踰年除吏幾八百員莫不請免神策軍使王駕鶴典衛兵
人權震中外帝將代之懼其變以問祐甫祐甫曰是無足

慮即召駕鶴雷語移時而代者已入軍中矣淄青李正己

畏帝威斷表獻錢三十萬緡以觀朝廷帝意其詐未能答

祐甫曰正己誠詐陛下不如因遣使勞其軍以所獻就賜

將士使諸藩不以朝廷為重賄正己慙服時議者韙其謨

謀謂可復貞觀開元之治未幾被疾薨謚曰文貞

載府志

唐崔植祐甫弟廬江令嬰甫子祐甫病屬妻以植主祀及卒護

喪者以聞德宗惻然召植使即喪次終服補宏文生與鄭

覃同時為補闕每朝廷有得失兩人者更疏論執譽望蔚

然元和中為給事中時皇甫鎛判度支建言減百官俸廩

植封還詔書鑄又請天下所納鹽酒利增估者以新準舊
一切追償植奏言用兵久百姓凋罄往雖估踰其實今不
可復收於是議者咸罪鑄鑄懼而止長慶初拜中書侍郎
同中書門下平章事穆宗問貞觀開元中治道最盛何致
而然植曰太宗資上聖與民間知百姓疾苦故厲精思治
又以房元齡杜如晦魏徵王珪爲之佐君明臣良治致昇
平固其宜也元宗在天后時身踐憂患既卽位得姚崇宋
璟此二人蚤夜孜孜納君於道其後政怠於勤左右不復
箴規姦臣日用事以至於敗今願陛下以無逸爲元龜則

天下幸甚時朝廷悉取河朔三鎮而劉聰又以幽薊七州
獻諸朝且懼部將擾亂乃先籍豪銳不檢者送京師而朱
克融在籍中植與杜元預不知兵謂籓鎮自平不復料天
下安危事而克融等羈旅塞躡願得官自劾日訴於前皆
抑不與不數月克融亂復失河朔矣天下是以尤之

載府志

元王綱字政之先世淄川人祖德金末官長山令兵亂徙安平

因家焉父義豐資樂施綱少以刀筆試吏從事潁州言互

市之法公私利之辟除漕幕以幹才稱累官工部郎中豪

右匿平民爲奴摘實往往良之疏言時弊出爲益都淘金

總管府遷山東按察副使再轉廣東所至克副其任風力
挺著方其入貳右曹也人謂顯用白此階矣不幸以議不
合獲出既出而歷憲察樹立表表赫於前聞又謂當不久
復內任矣不幸年止五十四卒於潭州

明門洞開字啓鑰生而岐嶷聰穎異常萬歷庚子登賢書屢上

春官不第甲寅就黃州學正丙辰成進士授山東文登令
以能著調繁樂安治樂如治文也壬戌課最例當得銓諫
有陰擠之者遂降補國博時魏璫擅權或爲謀曰璫係桑
梓盍通問焉公作書曰官可罷頭可斷七尺骯髒之骨不

可屆時璫益橫同署祭酒禮部右侍郎蔡毅中監丞金維
基等一十六人彙疏叅之璫亦憚不敢發尋陞工部虞衡
司主事卒以忤璫削籍家居築依隱園於城西賦詩飲酒
徜徉其間絕口不復問時事也所著有依隱園集年七十
四若此之不役役於利祿而又立朝有勁節可以不朽矣

國朝

循良

漢崔篆王莽時爲郡文學以明經徵詣公車太保甄豐舉爲步兵校尉篆辭曰吾聞伐國不問仁人戰陣不訪儒士此舉奚爲至哉遂投劾歸莽嫌諸不附已者多以法中傷之時篆兄發以巧佞幸於莽位至大司空母師氏封義成夫人金印紫綬文軒丹轂顯於新世後以篆爲建新大尹篆不得已乃歎曰吾生無妄之世值虎弄之君上有老母下有兄弟安得獨潔已而危所生哉遂單車到官稱疾不視事三年不行縣門下棖倪敞諫篆乃強起班春所至之縣獄

犴填滿篆垂泣曰噫乎刑罰不中乃陷人以罪此皆何罪
而至於是遂平理所出二千餘人掾吏叩頭諫曰朝廷初
政州牧峻刻宥過申枉誠仁者之心然獨爲君子將有悔
乎篆曰邪文公不以一人易其身君子謂之知命如殺一
大尹墮二千人蓋所願也遂稱疾去建武初又舉賢良篆
自以宗門受莽僞寵慚媿漢朝辭歸不仕臨終作慰志賦
以自悼

北齊崔伯謙字士遜父文業鉅鹿守謙少善養母高祖召赴晉
陽補相府功曹稱之曰清直奉公眞良佐也遷瀛州別駕

世宗以爲京畿司馬勞之曰卿騁足瀛部已著康歌督府
務殷是用相授族弟邁當時寵要謙與之僚舊同門非古
凶未曾造請後除濟北太守恩信大行乃改鞭用熟皮爲
之不忍見血示耻而已有朝貴過郡境問太守治政何如
人對曰府君恩化古者所無因誦民爲歌曰崔府君能治
政易鞭鞭布威德民無爭容曰旣稱恩化何由復威曰長
吏憚威民庶蒙惠微赴鄴百姓號泣遮道以弟仲讓在關
中不復居內任除南鎮鹿守事無巨細必自親覽民有貧
弱未理者皆曰我自有白鬚公不慮不央後陞銀青光祿

大夫卒

唐崔碣字東標及進士第遷右拾遺武宗方討澤潞碣紐請納
劉稹降忤旨貶鄆城令稍轉商州刺史擢河南尹右散騎
常侍再爲河南尹邑有大賈王可久轉貨江湖間值寇亂
盡亾其貲不得歸妻詣卜者楊乾夫容存亾乾夫名善數
而內悅妻色且利其富既占陽驚曰乃夫殆不還矣卽陰
以百金謝媒者誘聘之妻乃嫁乾夫遂爲富人他年徐州
李可久困甚丐衣食歸里間往見妻乾夫大怒詆逐之妻
詣吏自言乾夫厚納賄可久反得罪再訴復坐誣可久恨

歎遂失明碣之來可久陳寃碣得其情卽勅吏掩乾夫並
前獄史下獄悉發賕姦一日殺之以妻還可久時淫潦獄
決而霽都民相語歌舞於道徒陝號觀察使

唐崔戎字可大舉明經補太子校書郎調藍田主簿裴度節度

太原署叅謀時王承宗以郡叛度請戎往諭承宗至泣下
乃聽命入爲殿中侍御史擢諫議大夫雲南蠻亂成都詔
戎持節劍南爲宣撫使奏罷稅外薑芋錢當賦錢者率三
之以其一準緡布優其估以與民緩招流囚凡廢若置公
私莫不便之還拜給事中出爲華州刺史吏以故事置錢

萬縉爲刺史私用戎不取及去舊吏回籍所置錢享軍吾
重矯之以夸後人也徙兗海沂密觀察使民擁轡于道不
得行乃休傳舍至抱持取其鞵時詔使尚在民泣詣使請
白天子旬戎還使許諾戎夜單騎去民追不及乃止至
兗州鉏滅奸吏十餘輩民大喜歲餘卒年五十五贈禮部

尚書

唐崔衍天寶末擢明經調富平尉遷清源令勸民力田懷附流
人觀察使馬燧表其能徙美原父倫使吐蕃被陷不屈歸
卒事繼母李氏甚孝謹官刺史妻子僅免饑寒歷蘓瓠二

州號居陝華間而賦數倍入衍白太重裴延齡領度支方聚歛私謂衍前刺史無發明公當止衍不聽復奏州部多巖田又郵傳劇道屬歲無秋民舉流亾不蠲減租額人無生理臣見長史之患在因循不以聞不患陛下不憂恤也患申請不實不患朝廷不稔貸也陛下拔臣大州寧欲視民困而顧望不言哉德宗公其言爲詔度支減賦遷宣歙池觀察使簡靜爲百姓所懷幕府奏聘皆有名士後多顯於時卒年六十九贈工部尚書

唐崔宏禮字從周少有大志通兵畧及進士第奉樂表爲靈武

判官以親老不應署東都畱守叅謀時討蔡弘禮籍捕賊
情辭分設張東都無患遷畱守判官擢忻沂二州刺史徙
衛州兼魏博節度副使又爲相州刺史改絳州刺史李宥
反於汴詔徙河南尹以捍賊遷河陽節度使治河內秦渠
溉田千頃歲收八萬斛徙華州刺史改天平節度使李嗣
捷叛與李德合師討之加檢校尚書左僕射徙東都畱守
以疾改刑部尚書復爲畱守卒年六十五贈司空

明陳芳字子華由明經永樂丙子授濟源縣令有能聲縣有豪
強者畏威改過流移者聞風復業遇歲旱禱雨輒應樂聽

善言均役有方以舊官代去保畱不果事載濟源志

今祀鄉賢

明吳從誨號洞如少有聲費序試棘關輒北舉崇禎庚午四應

南宮不售時值寇氛慨然曰安能口事毛錐不爲國家殺

賊耶遂謁選倅懷慶懷當南北衝河南諸郡邑寇攻陷殆

盡庚辰冬賊騎將乘凍渡河守禦河于賊不得渡明年帥

劉超叛盜乘間蠶起擁衆剽掠設計悉擒之行河上適寇

至率鄉兵登陴親冒矢石焚賊舟二十七溺死不可勝計

賊敗自是不敢窺河北矣壬午賊決水灌汴城公奉檄漂

溺者瘞埋之流離者賑濟瘡痍厥心力全活數萬人當事

者材君俾攝河內再攝溫縣所至有能聲擢曹州守去之
 日民遮道泣留幾不得發曹經寇屺邑無居民公至而招
 流亾繕城垣匝月而曹民復業爲之陳疾苦寬其稅四千
 八百有奇迨甲申海內大變而曹民安堵如故皆公之力
 也無何鼎革公歸自曹故鄉里咸稱曹州君云年八十家
 孫本植咸順治戊戌進士授中秘又二年而卒孫曾濟濟
 玠以弱冠舉於鄉噫良吏種德之食報正未艾也

祀鄉賢

國朝

文學

漢崔駰字亭伯年十三能通詩易春秋古今訓詁百家之言博學有備才能屬文少遊太學與班固傅毅齊名常以典籍爲業未遑仕進或譏其太元靜後名失實擬揚雄解嘲作達旨以答焉元和中肅宗巡狩方岳駰上四巡頌以稱漢德辭甚典美帝雅好文章見駰頌嗟嘆之謂侍中竇憲曰卿寧知崔駰乎對曰班固數爲臣說之然未見也帝曰公愛固而忽駰此葉公之好龍也試見之駰由此候憲憲屣履迎門笑謂駰曰亭伯吾受詔交公公何得薄哉遂揖入

爲上客帝幸憲第聞而欲召見之憲諫不宜與白衣會帝

悟曰吾能令駟朝夕在旁何必於此適欲官之會帝崩太

后臨朝憲以重戚出內詔命駟獻書戒之及憲爲車騎將

軍辟爲祿憲府貴重祿三十人皆故刺史二千石惟駟以

處士年少擢在其間憲擅權驕恣駟數諫之及出擊匈奴

道路愈多不法駟前後奏記數十指切長短憲不能容因

踈之出爲長岑長駟以遠去不得意不之官而歸永元四

年卒於家所著詩賦銘頌書記表七依婚禮結言達旨酒

警合二十一篇祀鄉賢

漢崔瑗字子玉，駟之中子，早孤，銳志好學，能傳父業。年十八，從賈逵質正，大義逵善待之。瑗因遊學京師，明天官，歷數、京房、易傳六日七分諸儒宗之。與馬融、張衡相友好。初，瑗兄章爲州人，所殺瑗手刃報仇，因亡命，會赦歸家。貧，兄弟同居數十年，鄉邑化之。年四十餘，始爲郡吏，以事繫獄，獄掾善爲禮，瑗開考訊時，輒問禮說其專心好學，雖顛沛必於是。事釋歸家，爲度遼將軍鄧遵所辟，復辟車騎將軍閻顯府。時閻太后稱制，顯叅政事，瑗知顯將敗，謂長史陳禪曰：「中常侍江京、陳達等以嬖寵惑蠱先帝，遂使廢黜正統，扶

立踈孽少帝卽位發病廟中屬勃之徵以斯復見今與君
共說將軍白太后收京等廢少帝引立濟陰王必上當天
心下合人望伊霍之功不平庸而宜則將軍兄弟傳祚無
窮若拒違天意久曠神器則將以無罪並辜元惡此所謂
禍福之會分功之時禪猶豫未敢從孫程等立濟陰王顯
兄弟悉伏誅瓊坐斥歸不復應州郡命大將軍開幕府復
首辟瓊以疾辭歲中舉茂才遷汲令數言便宜爲人閑稍
用數百頃視事七年百姓歌之大司農胡廣少府竇章共
薦瓊宿德大儒不宜久在下位遷濟北相李固美瓊文雅

奉書禮致慙懃杜喬爲人使徇郡國以贓罪奏瑗詣廷尉
上書自訟得理出病卒年六十六臨終顧命子實曰夫人
稟天地之氣以生及其終也歸精於天還骨於地何地不
可藏形骸勿歸鄉里其賜贈之物羊豕之奠一不得受實
奉令畱葬洛陽瑗所著賦碑銘箴頌等文凡五十七篇其
南陽文學官志稱於後世祀鄉賢

漢崔寔字子真少沈靜好典籍父瑗卒隱居墓側服竟三公並
辟不就桓帝初譖舉至孝獨行之士竟以郡舉詣公車病
不對策除爲郎明於政體論當世事數十條名曰政論指

切時要言辯而確當世稱之太尉袁湯大將軍梁冀並辟不應大司農羊傳少府何豹薦寔才美能高寔在朝廷召拜議郎遷司馬與邊詔延篤等著作東觀出爲五原太守五原土宜麻枲而俗不知織績民冬月無衣積細少而臥其中見寔則衣出而出實至官斥賣儲峙爲作紡績織紉練緼之具以教之民得以免寒苦是時胡魯數入寔整厲士馬嚴烽堠邊境以寧以病徵拜議郎復與諸儒博士禱定五經時鮮卑數犯邊詔舉威武謀畧之士司空黃瓊薦寔拜遼東太守行道母病卒上疏求歸葬行喪服竟召拜

尚書稱疾不視事免歸病卒家徒四壁立無以殯殮也祿
孰楊賜太僕袁逢少府段熲爲備棺槨葬具所著碑論箴
銘答七言詞文表記書凡十五篇祀鄉賢

一國魏孟康字公休黃初中以后戚拜散騎侍郎正始中出爲
典農校尉濟邑奉職嘉善而矜不能省息訟獄緣民所欲
因而利之時出案行豫勅吏卒行各持鎌所在自刈馬草
不止停傳露宿樹下所從不過十餘人康之始拜人雖知
其有志量以其未常宰牧不保其能也而康恩澤治能吏
民歌焉嘉平末徙渤海太守徵入爲中書令轉爲監所著

漢書一百卷行於世

晉張載字孟陽父收蜀郡太守載性闕雅博學有文韋太康初
至蜀省父道經劍閣載以蜀人恃險好亂因著銘以作誠
益州刺史張敏見而悅之乃表上其文武帝命鑄之劍閣
山載又爲權論滌汜賦傅元見而嗟嘆以車迎之言談盡
日爲之延譽知名起家佐著作郎遷中書侍郎復領著作
載見世亂無仕進意稱疾歸卒於家

晉張協字景陽少有雋才與兄載齊名辟於府掾轉秘書郎遷
中書侍郎轉河間內史在郡清簡寡欲時天下已亂所在

寇盜遂棄絕人事守道不競以吟咏自娛作七命文世以爲工永嘉初復徵爲黃門侍郎託疾不就

晉張亢字季陽才藻亞三昆解音樂亦有屬綴中興初過江拜散騎侍郎荀勗舉亢領佐著作郎出補烏程令入爲散騎常侍復領佐著作時人稱曰博陵三張

北魏崔辯字神通學涉經史威儀整峻顯祖徵拜中書博士散騎侍郎平遠將軍武邑太守政事之餘專以勸學爲務年六十二卒贈定州刺史謚曰恭

北魏崔景儻辯長子頓正有高風好古博涉以經明行修徵拜

中書博士歷侍御史主文中散高祖賜名爲逸爲散騎僕
郎與著作郎韓興宗參定朝儀雅爲高祖所知重遷國子
博士每有公事逸常被詔獨進博士特命自選始轉通直
散騎常侍廷尉少卿卒朝廷悼惜之贈以本官

北魏崔纂字叔則博學有文才太學博士轉員外散騎侍郎既
不爲時知乃著無談子論後爲給事中延昌中除長史驛
平初爲廷尉正每於大獄多所據明有當官之譽除左中
郎將領尚書三公郎中未幾以公事免爲洛陽令正光中
卒年四十五贈司徒左長史凡所製文多行於世

北齊崔季舒字叔正少孤性明敏涉獵經史長於尺牘有管世
才其年十七爲州主簿爲大將軍趙郡公琛所器重言之
神武補大行臺都官郎中文襄輔政轉參軍甚見親寵擢
拜中書侍郎轉給事黃門侍郎密謀大計皆得預聞及文
襄遇難文宣赴晉陽季舒心在開放不請從行司馬子如
緣夙憾列其過狀由是徙北邊柔祿初文宣知其無罪追
爲將作大匠俄兼尚書左僕射儀同三司大被恩遇大寧
初累拜度支尚書監撰御覽及監國史季舒素好圖籍暮
年更精勤兼薦雜人法獎勸文學時議翕然稱羨韋與張

雕箠因諫並駕向秦州特旨被殺周武帝滅齊詔贈開府
儀同大將軍

龔字文博性貞介鯁直好學不倦至於教義各理特所留心每
讀書至治亂得失忠臣烈士未嘗不反覆吟翫閱壁車爲
羽騎尉爲吏部侍郎薛道衡所知恒令聽事帷中披檢書
史並察已行事若遇治政善事卽抄撰記錄如選用疎謬
卽委之臧否道衡每得其語莫不欣然從之及拜秘書省
典校墳籍守道居貧晏如也雖衣食之絕而清操逾勵本
性澹實客恒以禮法自處莫不敬憚焉道衡知其貧每延

於家給以資費文博商譽古今治政得失如指諸掌道衡
爲司隸大夫奏爲從事在洛下曾詣房玄齡相送於衢路
元齡謂之曰公生平志尚正直今爲從事應會素心比來
激濁揚清所爲多矣文博奮臂厲聲曰夫清其流者必潔
其源正其末者須端其本今治源混亂雖日免十貧郡守
亦何所益其讐直疾惡不知忌諱類如此于時朝政浸壞
人多贓賄唯文博不改其操論者以此貴之遭離亂播遷
不知所終文博本爲經學後讀史書於諸子及論尤爲該
洽性長議論亦善屬文著政道集十卷行於世

隋崔贖字祖濬七歲能屬文容貌短小有口才開皇初射策高第詔與諸儒定禮樂授校書郎轉協律郎太常卿蘇威雅重之性至孝母憂水漿不入口者五日徵爲河南豫章二王侍讀每更日來往二王之第及河南爲晉王轉記室叅軍晉邸文翰多成其手王入東宮除太子齋師遷舍人未子薨以疾歸徵授起居舍人大業四年從駕汾陽宮次河陽鎮藍田令王璽於藍田山得一玉人長三尺四寸著大領衣冠幘奏之詔問羣臣吳有識者贖曰謹按漢文已前未有冠幘是文帝以來所制作也臣見魏盧元明異嵩山

廟記云有神人以玉爲形像長數寸或出或隱出則令世
延長伏惟陛下應末順民定鼎滿維岳神自見臣敢稱慶
因再拜百官畢賀天子大悅賜緜二百匹從駕登太行山
詔問贖曰何處有羊腸坂贖對曰按地理志上黨壺關縣
有羊腸坂帝曰不是又答曰按皇甫士安撰地書云太原
北九十里羊腸坂帝曰是也因謂牛叡曰崔祖濬所謂
問六知耳受詔與諸儒撰區宇圖志區區五斗帝又令
虞世基許善心衍爲六百卷以父憂去尋授虜揚長史從
征遼東置郡縣名皆贖之議也奉詔在征裏記末三年從

駕江都宇文化及之弑帝也引爲著作郎稱疾不起卒於
彭城年六十九所著詞賦碑誌十餘萬言撰洽聞志七卷
八代四科志三卷未及施行江都傾覆咸爲煨燼

隋李德林字公輔幼聰敏年數歲誦左思蜀都賦十五誦五經

及古今文集目數千言俄而該博墳典陰陽緯候無不通

涉善屬文十六遭父艱自駕靈輿反葬故里時正嚴冬單

裘跣足州里人物由是敬慕之博陵豪族有崔謹者僕射

之兄因林假還鄉車服甚盛將從其宅詣德林赴弔相去

十餘里從者數十騎稍稍減聞比至德林門纔餘五騎云

不得令李生恠人燠灼德林居貧輒軻母氏冬疾方留心
典籍無復宦情其後母疾稍愈逼令仕進舉秀才入鄴時
天保八年也射策五條考擢甲科授殿中將軍散員非其
所好又以天保季世乃謝病還乾明初入議曹皇建初下
詔搜揚人物追赴晉陽換春思賦代稱典麗時長廣王居
守在鄴勅德林還京與高元海等叅掌機密王引授相府
叅軍王卽帝位授奉朝請寓直舍人省河清中授員外散
騎侍郎仍直機密省天統初授給事中直中書學詔誥尋
遷中書舍人武平初加通直散騎侍郎典機密丁母艱去

職以至孝聞朝廷嘉之奪情起復固辭不赴尋除中書侍郎詔修國史齊主留情文雅召入文林館與黃門侍郎顏之推同判館事承光中授儀同三司周武帝克齊入鄴之日遣使就宅宣旨慰諭云平齊之利惟在於爾宜入相見仍遣從駕至長安授內史上士詔誥格式及刑人物十以委之周武謂群臣云我常日唯聞李德林名與齊朝作詔書移檄我止謂其是天上人豈意今日得其驅使復爲我作文書極爲大異神武公紇豆陵毅嘗曰臣聞明王聖主得麒麟鳳凰爲瑞是聖德所感非力能致之瑞物雖來不

堪使用如李德林來授職策亦是聖德感致有大才用聯
於麒麟鳳凰遠矣武帝大笑曰誠如公言宣政末授御正
下大夫次象初賜爵成安縣男開皇元年進爵爲子勅令
與大尉任國公于翼高頴等制修律令事訖奏聞別賜九
環金帶一腰駿馬一匹賞損益之發也迺贈其父敬族定
州刺史安平縣公謚曰孝以德林襲焉德林旣出有才名
重以貴顯凡製文章行世有不知者謂爲古人焉以梁士
彥等有逆意乃著天命論止之指有天下無賢平陳之計
及陳平授柱國公實封以百戶後出爲湖州刺史盧餘卒

年六十一贈大將軍謚曰文所撰文集成八冊卷遺亂內
失見五中卷行世奉勅撰齊史成于百藥


唐李百藥守重規幼多病祖母趙以百藥名之七歲能屬文父
友陸父等讀祿陵文有胡瑯琊之稱之語嘆不得其事百
藥進曰春秋邠子藉稻杜預謂在瑯琊客大驚號為童引
陰補曰衡長性疏脫喜劇飲開皇初授太子通事舍人兼
學士被讒謝病去十九年召見仁壽宮襲父爵安平公僕
射楊素吏部尚書牛宏愛其才署禮部員外郎奉詔定五
禮律令陰陽書初以疾去舍人也煬帝在揚州召不赴脚

之及卽位奪爵爲桂州司馬廢還鄉里大業九年戊會稽
管崇亂城守有功帝顧其名謂虞世基曰是子故在宜斥
醜處乃授建安郡丞至烏程江都難作沈法興李子通杜
伏威更相滅百藥轉側寇亂中危得不死會高祖遣使招
伏威百藥勸朝京師既至歷陽中悔欲殺之飲以石灰酒
因大利瀨死旣而夙病皆愈伏威詒書輔公祐使殺之爲
王雄誕保護得免公祐反授吏部侍郎或謂帝百藥與同
夙帝大怒及平得伏威所與公祐書乃解猶貶涇州司戶
太宗至涇州與語悅之貞觀元年拜中書舍人封安平縣

男明年除禮部侍郎時議襲玉璽子弟功臣百藥上封建
論埋據誅切帝納其言因筆授太子右庶子太子數戲嫖
無度乃作贊送賦以諷他日帝曰朕見卿賦述古儲三事
勸勵甚詳向任卿固所望耳賜綵三百段遷散騎常侍遷
左庶子宗正卿爵爲子久之固乞致仕帝常與偕賦帝京
篇嘆其工手詔曰卿何身老而才之壯齒宿而意之新乎
卒年八十四謚曰康百藥未行世顯爲天下推重侍父母
喪還鄉徒跣數千里服雖除容貌懼瘠者累年好獎勵後
進得俸祿與親黨共之翰藻沈鬱詩尤其所長樵廝皆能

諷之撰齊史行世

唐崔元翰名鵬以字行舉進士博學宏詞賢良方正皆異等
成李勉表在幕府馬燧更表爲太原掌書記召拜禮部員
外郎竇叅秉政引知制誥其詞辭溫厚有典誥風孤特自
持不容於時掌誥再期不遷罷爲比部郎中年七十餘卒
其好學老而不倦用思精緻馳騁班固蔡邕間以自名家



武功

三國魏牽招字子經年十餘歲詣同縣樂隱受學隱爲車騎將
軍何苗長史招隨卒業值京都亂苗隱見害攜與隱閃生
史路等觸蹈鋒刃共殞歛隱尸送喪還里遇寇路等皆散
走賊欲斫棺取釘招垂淚請赦賊義之乃釋而去由此顯
著冀州牧袁紹辟爲督軍從事兼領烏丸突騎紹令人犯
令招先斬乃白紹奇其意而不見罪也紹卒又事紹子尚
建安九年尚遣招至止黨攻致無糧表還尚被走中山賊
尚弟兄高幹爲并州刺史招以並州在齊恒山之險有

大將之固帶甲五萬，執阻強胡，勸幹迎南，并力觀變。幹既不能而陰欲害招，招圍之間行而去，道隔不得追，尚遂東詣魏，魏爲從事。魏滅，譚於南皮，暑招軍謀，掾從討烏丸。至柳城，拜護烏丸校尉，還鄴。遼遠，袁尚首懸在馬，策招覩之，悲感，設祭頭下，操義之舉爲茂才。從漢中還，拜平魯將軍。督青、徐州郡諸軍事，擊東萊賊，斬其渠率，東土寧靜。還拜招使持節，護鮮卑校尉。屯昌平，是時邊民流散，山澤又凶。叛在鮮卑中者，處有千數，招廣示恩信，招誘降附，建義中。郎將公孫集等率將部曲咸各歸命，使還本郡，又懷來鮮

甲素利彌加等十餘萬落皆令款塞大軍欲征吳召招還
至值軍罷拜右中郎將出爲雁門太守郡在邊陲雖有候
望之備而寇鈔不斷招旣教民戰陣又表復烏丸五百餘
家租調使備鞍馬遠遣偵候寇每犯塞勒兵逆擊來輒摧
破於是吏民膽氣日銳荒野無虞又構間離散使敵更相
猜疑鮮卑夫人步度根泄歸泥等與軻比能爲隙將部落
三萬餘家詣郡附塞勅令還擊比能殺比能弟荳羅侯及
叛烏丸歸義侯玉同玉等次結怨讐是以招自出率將
歸泥等討比能於雲中大郡大破之招通河西鮮卑附頭

等十餘萬家繕治陜北故土館城置屯戍以鎮內外邊氓
大小莫不歸心諸叛亾雖親戚不敢藏匿咸悉收送於是
野居晏閑寇賊靜息摺乃簡選有才識者詣太學受業選
相授教數年中庠序太興郡所治廣武井水鹹苦民皆騰
輦遠汲流水往返七里招準望地勢因山陵之宜鑿原開
渠注水城內民賴其益明帝卽位賜爵關內侯

三國魏牽嘉招長子猛毅有父風以隴西太守隨鄧艾伐蜀有
功咸熙中爲振威護軍

晉牽秀字成叔有傳才性豪俠有氣赫寇得美名太康中爲衛

小
大
權崔洪石崇等所推重以新安令博士爲司空從事中郎
遷至尚書河間王以秀爲平北將軍假節

晉馮統字少胄祖浮仕魏司隸校尉父員汲郡太守統少博涉
經史識悟機辯歷仕魏爲魏郡太守轉步兵校尉徙越騎

得幸於武帝稍遷左衛將軍寵愛日隆伐吳之役統領汝
南太守以郡兵隨王濬入秣陵遷御史中丞轉侍中太康
七年統疾詔統爲散騎常侍賜錢二十萬牀帳一具尋卒

北魏崔鑒字神具有文學自中書博士轉侍郎延興中受詔使
齊州觀省風俗行兗州事以琫賜爵桐廬縣子出爲奮威

將軍東徐州刺史鑿欲安悅新降民將樂者表求假以
 守令詔從之又於州內冶銅以為農具與民獲利卒賊魁
 軍將軍青州刺史安平侯謚曰康子合字貴和少拜博譽
 襲爵為中書學生主文中散太尉講議參軍本州太守正
 出為常山太守卒於郡年五十七合字修義有風韻襲爵
 自司徒默曹參軍遷寧遠將軍新野太守還除大尉祿出
 為冀州征東府長史卒年四十五修義字放寬襲爵齊禱
 例降

北魏崔秉少有大志太和中為中書學生拜奉朝請轉錄事參

軍帶母極令彭城王勰征壽春秉從行招致壯俠以爲部
卒總目之謂左右曰吾當寄膽氣於此人遷司空主簿轉
城門校尉長兼司空司馬尋陞長史加輔國將軍出除左
將軍廣平內史入爲司徒左長史除平東將軍光祿大夫
加安西將軍出爲燕州刺史時天下多事遷爲杜洛周攻
圍秉堅守歷年朝廷遣都督元譚與秉子仲舊赴救譚敗
仲誓死之秉率城民奔守定州尋除撫軍將軍行相州事
轉征東將軍金紫光祿大夫歷遷驍騎大將軍儀同三司
以老病乞解天平四年薨年七十八贈使持節侍中都督

定瀛滄三州諸軍事本將軍尚書令司徒公定州刺史謚

曰靖穆

北魏崔模字叔軌身長八尺圍亦如之出後其叔雅有志度起

家奉朝歷太尉祭酒尚書金部郎中太尉主簿轉中郎遷

太子家令神龜中除魯陽太守正光二年襄陽民密求欵

附詔模爲別將隸淮南王世遵率衆赴之及蕭寶夤討關

隴引模爲西征別將屢有戰功除持節光祿大夫都督別

道諸軍事加安東將軍方俟隗奴遣將郝虎南侵模攻其

營擒虎以歸封槐里縣開國伯邑五百戶於時將督敗殲

者多模挫敵持重號爲名將後假征東將軍行岐州事擊賊深入歿於陣贈撫軍將軍相州刺史永熙中追錄前勳又贈驃騎大將軍

北魏霍孝暉字敬業少寬雅臯著長者之風彰城王徽之臨定州辟爲主簿釋褐歷員外散騎常侍武泰初蠻首李洪扇動諸蠻詔孝暉持節爲別將隸都督李神軌討蠻之者莊初拜散騎常侍加征魯將軍除趙郡太守郡經葛榮亂後民戶喪亡六畜無遺斗粟乃至數織民皆賣鬻兒女負樵大熟孝暉勸民多收之郡內無牛教其人種搆攤遺散先

恩後威一周之後流民大至興立學校親勸篤百姓賴
之卒於郡時年四十九贈通直散騎常侍東將軍瀛州
刺史謚曰簡

北魏崔孝直字叔履身長八尺眉目踈朗早有志尚起家司空
行叅軍尋爲員外散騎侍郎宣威將仍以本官入領直轉
寧遠將軍汝南王開府掾領直寢兗舉劾荆州詔孝直
假征韓將軍別將總羽林二千騎與孝芬俱行孝直潛師
徑進賊遂破走後蕭衍將曹義宗仍在馮固被勳順陽蠻
彝綠寇寇竊孝直率衆禦之賊皆退散還轉直開將軍爾

朱兆入洛孝直去職歸鄉里勸督宗人務行禮讓累除將軍光祿大夫不赴年五十八卒於鄉顧命諸子曰聖承疎効薄於國無功若朝廷復加贈謚宜循吾意不得祇受若致干求則非吾子歛以時服祭勿殺生其子皆遵祿之訓

北魏崔子朗振之子美容貌涉獵經史少溫厚有風尚以軍功起家襄威將軍員外散騎侍郎曹案中從兄孝募爲荊州車騎府司馬轉西兗州驃騎府司馬太冑被遷冠蓋將軍兼徐州撫軍府長史固辭不免興和三年爲侍御監兼加平南將軍訖定中卒

北魏崔瑜字仲璉少孤有學業太和中釋褐奉朝請廣陵王羽

常侍累歷蕃佐入為司空功曹參軍事太尉主簿遷冀州

府撫軍長史後為揚州平東府長史帶南梁太守蕭衍義

州刺史文僧明來降瑜之迎接有勲賜爵高邑男孝昌初

除鴻臚少卿三年卒年五十六贈平北將軍瀛州刺史

北魏崔敬邕性長者有幹用自剴徒主簿轉尚書都官郎中

所稱職遷步兵校尉中山王英南討引為都督府長史加

左中郎將以功賜爵臨淄男遷龍驤將軍太府少卿以本

將軍除營州刺史庫莫奚國有馬百匹因風入境被酋悉

令送還彝人感服熙平二年并征魯將軍大中大決卒年五十七贈左將軍濟州刺史謚曰恭

北魏崔延伯有氣力少以勇壯聞仕蕭爲緣淮遊軍太和中入魏爲統帥膽氣絕人兼有謀畧所在征討成立戰功進際征魯將軍荊州刺史賜爵定陵男荊州土險蠻寇每有聚結延伯輒自討之莫不摧殄壤土帖然永平中轉後將軍幽州刺史梁遣趙祖據峽石詔延伯與都督崔亮討之亮令延伯守下蔡延伯挾淮爲營取車輪去輞削銳其輻兩兩接對採竹爲絙貫連相屬並十餘道橫木爲橋兩頭施

大輓轆出沒任情不可燒砍既斷走路又令舟舸不通祖
悅合軍咸見俘執卽軍拜平南將軍光祿大夫延伯與楊
大眼等至自淮陽靈太后引見曰卿等志尚雄猛皆國之
名將比平峽石公私慶快此卿等之功也但淮堰仍在宜
各出一圖以爲後計大眼曰水陸二道一時俱下往無不
尅延伯曰水南水北各有溝瀆陸地之計如何可前臣愚
短見願愍水兵之勤苦給復一年專習水戰脫有不虞召
便可用往無不獲太后曰卿所言深是二年除北將軍并
州刺史還爲金紫光祿大夫出爲鎮南將軍行岐州刺史

假征西將軍賜驍馬十匹正光五年以建淮橋之勲封
當利縣開國男食三百戶進爵新豐子時莫折念生兄天
生下隴東寇賊衆甚盛屯黑水詔延伯與蕭寶夤討之延
伯每云賊新制勝難與爭鋒寶夤正色責之延伯謝去當
爲明公參賊勇怯乃選精兵數千渡黑水列陣以向賊營
寶夤率衆以示後繼時賊衆大盛營營相接延伯徑至賊
壘揚威脅之徐而還賊以延伯衆少開營競追衆過十倍
臨水逼蹙寶夤親觀懼有虧損延伯不與戰身自殿後抽
衆東渡轉運如神須臾濟盡乃自渡賊徒奮氣相率還營

寶贛大悅謂官屬曰崔公古之關張也今年何患不制賊
延伯馳見曰此賊非老奴敵公但坐看後日延伯勒衆而
出寶贛爲後拒天生悉衆來戰延伯申令將士身先士卒
陷其前鋒於是勇銳競進大破之俘斬十餘萬追奔及於
小隴秦賊勁強諸將所憚朝廷初議遣將咸云非延伯無
以克之果能破敵授右衛將軍於時万俟醜奴等寇涇州
延伯旣被秦賊乃與寶贛率衆會於安定延伯中流矢爲
賊所害延伯能得衆心與康生火眼爲諸將之冠延伯末
路功名尤重時大寇未平而延伯死朝野歎懼焉贈使持

節車騎大將軍儀同三司定州刺史謚曰武烈

北齊崔季良風望閑雅自太學博士徙都督李仁軌征討有功
賜爵蒲陰縣子除著作佐郎通直散騎侍郎轉征魯將軍
員外散騎常侍太尉長史後除中軍將軍光祿大夫卒於
家年三十六贈車府將軍尚書左僕射定州刺史謚曰簡

北周崔謙字士遜聰敏神彩凝然及長深沉有識量歷觀經

史不持彙旬志在博聞每覽經國締民之事未嘗不掩卷
嘆息孝昌中解褐著作佐郎從太宰元天穆討邢杲破之
以功授輔國將軍大中大夫遷平東將軍尚書賀拔勝出

鎮荊州以謙爲行臺左丞勝居方岳之任安戢夷夏綱紀
衆務皆委謙焉謙亦盡其智能以相匡弼勝有聲南州謙
之力也神武之逼詔勝與赴洛軍至廣州帝自西遷勝
遲疑將旋鎮謙曰昔周室不造諸侯釋位漢道中微列藩
盡節今皇家多故主上蒙塵實忠臣枕戈之時義士立功
之日也公受方面之重總冠葉之衆若仗義而動首倡勤
至天下聞風孰不感激誠宜願義勇之志副遺邇之心倍
道兼行謁帝闕右然後與宇文行臺同心協力電討不庭
則桓文之勳復興於今日矣捨此不爲中道而退恐人皆

解體士各有心一失事機後悔何及勝不能用還未至州
州民鄧誕引侯景軍奄至戰敗將麾下數百騎南奔於梁
謙與勝俱至梁乞師赴援梁不爲出軍並許還國乃令謙
先還且通隣好文帝見謙甚悅謂之曰卿出萬死之中投
身江外今得生還豈非忠貞之報也太祖甚聞謙名厚禮
之授征西將軍金紫光祿大夫賜爵千乘縣男及勝至拜
太師以謙有毗輔功又授太師長史大統三年從太祖擒
竇泰有功進爵子又從太祖解洛陽圍又破柳仲禮於隨
郡平李遷哲於魏興並有功累進驃騎大將軍開府儀同

三司直州刺史賜姓宇文魏恭帝初轉利州刺史世宗初
進唐縣公保定二年遷安州總管隨應等十一州甌山上
明魯山三鎮諸軍事安州刺史四年加大將軍進武康郡
公天和元年授江陵總管三年遷荊州總管荆浙等十四
州南陽平陽等八防諸軍事荊州刺史謙外禦強敵內撫
軍民風化大行號稱良牧奏績爲天下最屢詔褒美謙隨
勝之在荊州也雖被親遇而名位未顯及踐其位咸以爲
榮四年卒於州民痛惜之乃立祠祭饗

北周崔詵本名士約少鯁直有節槩膂力過人尤工騎射釋褐

領軍府錄事轉諮議叅軍賀拔勝出牧荊州以說爲假節
冠軍將軍防城都督又隨勝奔梁自梁歸授衛將軍都督
封安昌縣子邑三百戶從周文復宏農戰沙苑皆有功進
爵侯增八百戶累遷大都督車騎大將軍儀同三司改封
安固縣侯增三百戶賜姓宇文氏並賜今名進驃騎大將
軍萬年縣公通前二千四百戶除隴州刺史說立政強毅
百姓畏之加授大將軍改封安平縣公建德四年卒年六
十四贈鄜延丹綏長五州刺史謚曰壯

隋崔仲方字不齊少好讀書有文武本幹周太祖見而異之令

與諸子同學由是與高祖少相款密以明經爲晉公護叅
軍記室遷司正大夫與斛斯徽等同修禮律以軍功授平
東將軍銀青光祿大夫賜爵石城縣男邑三百戶時武帝
有滅齊之意仲方獻二十策帝大竒之從帝攻下晉州又
令仲方說翼城等四城下之進爵范縣侯宣帝卽位爲少
內史奉使淮南而還會帝崩隋高祖爲丞相與仲方相見
握手極懽仲方亦歸心焉上便宜十八事高祖納之又見
衆望有歸勸高祖應天受命從之及受禪與議正朔服色
等事進位上開府轉司農少卿進爵安國縣公丁艱起疏

州刺史上書論取陳之策上覽而大悅大舉伐陳以仲方
爲行軍總管陳平數載轉會州總管時諸老未附詔令仲
方擊之諸部悉平賜奴婢二百三十口黃金三十金襍物
稱是授代州總管徵入朝遷位大將軍拜民部尚書轉禮
部尚書以母憂去卒於家年七十六

隋崔彭字子彭少孤事母以孝聞性剛毅有武畧工騎射善周
官尚書通大義仕周爲侍伯主主轉門正隋文帝爲丞相
周陳正純鎮齊州恐純爲變遣彭以兩騎徵純入朝彭未
至齊州三十里因詐病止傳舍遣人召純純疑有變多將

從騎至彭所彭出傳舍迎之彭請閹閹願騎士執而鎖之
乃大言曰陳王有暴辭徵入朝左右不得輒動其從者愕
然而去拜土儀同選監門郎兼右衛長史賜爵安陽縣男
歷遷驃騎典宿衛性謹密在舊闈二十餘年每當上在使
危坐終日未嘗有惰容上甚嘉之謂彭曰卿當上日我寢
處自安又曰卿弓馬固以絕人頗知學否彭曰臣少愛周
禮尚書每休沐之暇不敢廢也上曰試爲我言之彭說君
臣戒慎之義上稱善加上開府遷備身將軍上晏遶頭可
汗使者於武德殿有鴉鳴於梁上命彭射之既發而中上

悅賜錢一萬使者反復遣使曰請得崔將軍一與相見遣
至匈奴中可汗因擲肉於地以集飛鳶選善射者射之衆
不中請彭射之連發數矢皆應弦而落突厥相顧莫不嘆
服仁壽末進爵安陽縣公邑二千戶煬帝卽位遷左領軍
大將軍從幸洛陽帝以其清賜絹五百疋未幾而卒年六
十五遣使弔祭贈大將軍謚曰肅

隋崔宏度字摩訶膂力絕人儀貌魁岸鬚面甚偉性嚴酷十七
周大象宰宇文護引爲親信累大都督特護子中山公訓
爲蒲州刺史令宏慶從焉嘗與訓登樓至上層去地四五

丈俯臨之訓曰可畏也宏度曰此何足畏欤然擲下至地
無損傷訓以其拳捷大奇之後以戰勲授儀同從武帝滅
齊進位上開府鄴縣公尋從汝南公宇文神舉破盧昌期
於范陽從鄆國公常孝寬經畧淮南以前後勲進上大將
軍襲父爵安平縣公及尉迥作亂以宏度爲行軍總管從
常孝寬討之宏度募長安驍雄數百人爲別隊所當無不
披靡開皇初宏度以行軍總管拒突厥於原州還拜華州
刺史納其妹爲秦孝王妃尋遷襄州總管平陳之役以行
軍總管從秦孝王出襄陽道及陳平賜物五千上甚禮之

復以其弟宏昇女爲河南王妃仁壽中檢校太府卿自以
一門二妃無所降下每誠其寮吏曰人當誠恕無得欺誑
時宏度素貴御下嚴急有屈突蓋爲武侯驃騎亦嚴刻長
安爲之語曰寧飲三升醋不見崔宏度寧如三升艾不逢
屈突蓋然宏度理家如官子弟班白動行捶楚閨門整肅
爲當時所稱未幾秦王妃以罪誅河南王妃被廢去度憂
志謝病於家煬帝卽位河南王爲太子帝將復立崔妃遣
中使宣旨使者詣宏昇家宏度不之知也使者反帝曰宏
度有何言使者曰宏度稱有疾不起帝默然其事竟寢宏

卷之十八
度憂憤卒

隋崔宏昇字上客仕周爲右侍上士尉迺作亂與兄宏度擊之
以功拜上儀同尋加上開府封黃臺縣侯邑八百戶隋文
受禪進爵爲公授驃騎將軍宿衛十餘年以勲舊遷慈州
刺史轉鄭州刺史以戚屬之故待遇愈隆及王妃罪廢免
官煬帝卽位歷冀州刺史信都太守進金紫光祿大夫轉
涿郡太守遼東還病卒年六十

淳謹

唐崔損字至無大歷間中進士博學宏詞補校書郎咸陽尉改大理評事累勞至右諫議大夫時宰相闕裴延齡薦之貞元十二年以本官同中書門下平章事踰年進門下侍郎建中後相無久任者損以柔遜中帝意乃畱八年卒贈太子太傅謚曰靖

唐崔澹舉止秀峙時謂玉而冠者擢進士第累進禮部員外郎當時士大夫以流品相尚推名德者爲之首焉

唐崔器有幹才天寶中舉明經爲萬年尉擢御史宋渾引爲判

官渾敗器亦廢爲奉先令安祿山反走靈武謁帝爲御史
中丞戶部侍郎肅宗至鳳翔器兼禮儀使草定儀典後爲
吏部侍郎御史大夫上元元年卒

明郭聞禮號趨庭少有才名事親以孝聞以易學起家性理大
全諸書無不殫究性耿介厭奔競處鄉黨恂恂如也舉萬
歷丙子順天鄉試授河南閿鄉縣知縣居官政績闕人碑
頌不朽陞江西南昌府通判樂於濟貧乏教生徒門下成
名者甚衆仲孫金鉉成進士亦有令名今並祀鄉賢

明靳紹謙號益吾少負穎異攻苦力學萬歷己卯舉於鄉登庚

辰張懋修榜進士授歷城知縣陞主事累官行太僕寺卿
愛民勤政不避豪強恩威並著所至有聲晚年家居累徵
不起讀書課子汲引後進凡朝祭公謁外足跡不履城市
一時仰之如祥麟瑞鳳焉今祀鄉賢

明王民俾字參所由選貢任淮南縣令學專詩經教就多材晚
歸林下優遊二十餘載樂道尚密結社喜施三子五孫俱
負時名僉謂積善之餘慶云今祀鄉賢

明武應元字春陽生而穎異弱冠食餼有孝行淹通經史六戰
棘闈不售以歲薦司訓大儒教士以居敬致知窮理盡性

之旨陞陝西崇信縣教諭值歲亂縣尹於缺攝縣篆治尚
德化與民休息暇則聚徒講學山右石鳳台時在陝相與
論道累月各恨相見之晚所著有窮理集石爲評定藁雷
石笥中甲申變起遂失傳焉旋里杜門屏客不聞時事學
行爲安邑首推遭時不偶積抱莫展年六十一歲卒棄世
時子韓方在孩提克繼父志登

國朝康熙癸卯賢書考授縣令其食報詎可量歟

國朝郭金鉉字存侯資性恂謹無疾言遽色古今典故靡不習
熟叩其胸中非如也崇禎己卯領鄉薦登順治己丑進士

授中書舍人以勤慎稱陞戶部山東司主事奉差權鳳陽
釐剔積弊上足國課下恤民生一時震號廉平紳士商民
群尸祝之侍御劉允謙誌其善蹟焉累陞郎中再權許墅
以理鳳者理許通商裕國咸稱便益謳頌四訖如前在鳳
時也復命後以疾卒京邸年六十一初爲諸生時讀范
文正公義田記慨然有其志謂仕宦者不當如是耶及使
鳳陽歸置義田三百畝贖給宗族邑人士高其德義謂爲
安邑仕宦之僅見者祀鄉賢

國朝崔冕字象圓服之其號也幼失怙恃依於伯考雖艱難困

苦性耽詩書十八歲遊庠崇禎丙子售於鄉屢上公車不
第順治丙申就教樂亭康熙戊申補蘄州學正所至安貧
樂道誦讀無異諸生訓士有胡安定風辛亥陞廬江令蒞
任僅一載賑荒寬賦口碑猶在未竟厥施而卒惜哉丈夫
子三季甲默成進士人以爲隱德之報云

孝友

北魏崔孝芬字恭梓挺之子早有才識博學好文章襲父爵累遷司空屬定州太中正長於剖判甚有能名遷廷尉少卿

孝昌初梁將裴邃等寇淮南詔行臺酈道元都督河間王榮討之勅孝芬持節催令赴接賊退而還遷荊州刺史兼尚書南道行臺領軍司率諸將以援神雋因代焉孝芬遂從恒農道南入敵便奔散人還安堵明帝嘉勞之後以元父之黨與盧同李獎等並除名徵還後梁將成景儻逼彭城孝芬兼尚書右丞爲徐州行臺孝芬將發入辭靈太后

謂曰卿女今事我兒與卿是親曾何相負而內頭元叉車
內稱此嫗須了却孝芬曰臣蒙國厚恩義無斯語假有斯
語誰能得聞若有此聞知此人於元叉親密過臣遠矣乞
對之足辨虛實太后乃有愧色孝芬既至景雋等力屈退
走以孝芬兼尚書爲徐兗二州行臺永安中授西兗州刺
史孝芬倦外役固辭不行仍爲太常卿太昌初兼殿中尚
書加儀同三司兼吏部尚書孝芬兄弟孝義慈厚弟孝演
孝政先亡孝芬哭泣哀慟絕肉蔬食容貌損瘠見者傷之
孝暉等奉孝芬盡恭順之禮坐食進退孝芬不命則不敢

也鷄鳴而起旦參顏色一錢尺帛不入私房吉內有須聚對分給諸婦亦相親愛有無共之始挺兄弟同居孝芬叔振既亾之後孝芬等奉承叔母李氏若事所生旦夕溫清出入啓覲家事巨細一以諮央每兄弟出行有獲財物尺寸已上皆內李氏之庫四時分資李自裁之如此者二十餘年撫從弟宜伯子朗如同氣焉

北魏崔勉字宣祖孝芬長子頗涉史傳有几案才正光初除太學博士永安初除建節將軍尚書右中兵郎中後太尉豫章王蕭贇啓爲諮議參軍郎中如故普泰中兼尚書左丞

尋除安南將軍光祿大夫兼國子祭酒典儀注太昌初除
散騎常侍征東將軍金紫光祿大夫定州大中正勅左右
廂出入其家被收之際在外避免於後乃出見齊獻武王
於晉陽王勞撫之天平末王遣勉送勲貴妻子赴定州因
得還家屬母李氏喪亾勉哀號過性遭病卒年四十七無
子弟宣度以子龍後之

北魏崔孝政字季讓十歲父挺亾號哭不絕見者爲之悲傷搯
尚貞立博洽經史雅好詞賦喪紀之禮特所蓄情衣服制
度手能製造太尉汝南王悅辟行叅軍年四十九卒

北魏 崔廣字仲慶有議幹初爲中書學生高祖時殿中郎中歷
通直散騎侍郎太子步兵校尉詔守尚書左丞父憂去職
後在城王澄爲揚州引廣爲鎮南府長史以母老辭不就
卒於家贈安遠將軍光州刺史

北魏 李儿七世共居同財家有二十二房一百九十八口長幼
濟濟禮義著聞至於作役卑幼競進鄉里嘆美邑令標其
門閭

北齊 崔達挈暹子温良清謹有識學少歷職爲司農卿天保末
遷右僕射尚樂安公主顯祖常問主曰達挈於汝何似答

曰甚相敬重惟阿家憎兒顯祖召達挈母入內殺之投屍
漳水達挈痛不欲生遂殺主以復讐焉

五代

崔棧字子文父琢唐末爲刑部郎中棧少好學頗涉經史

工於文辭遭世亂寓居於滑臺不遊里巷者十餘年人罕
識其面梁貞明三年舉進士甲科開封尹王瓚辟掌奏記
棧性至孝其父琢病不肯服藥曰死生有命何用藥爲棧
屢進醫藥不納每賓客問疾者棧輒迎拜門外泣涕而告
之琢終不服藥而卒棧居喪哀毀除服唐明宗以爲監察
御史不拜踰年再命乃拜累遷都官郎中翰林學士晉高

祖時以戶部侍郎爲學士承旨權知天福二年貢舉罷學
士拜尚書左丞遷太常卿八年高祖詔太常復文武二舞
詳定正冬朝會禮及樂章自唐末之亂禮樂制度亾失已
久稅與御史中丞竇貞固刑部侍郎呂琦禮部侍郎張允
等草定之其年冬至高祖會朝崇元殿廷設宮懸二舞在
北登歌在上高祖大悅賜稅金帛群臣左右覩者皆嗟嘆
之高祖崩稅以風痺改太子賓客分司西京卒

元季恭讓有大德多才能以孝行聞於世累代同居詔旌其門
曰義門村因以名時南霽州帥趙澄薦爲左兼軍祀鄉賢

元李思敬字子欽恭讓之孫累官中順大夫知杭州路總管以

孝旌其門其年秋滿境大旱惟義門連降大雨人以為李

氏和氣所感縣內八景義門秋雨即此

以上二條載舊志今按至元二年改

長官李公碑記係李秀詳

載藝文以俟博識者考正

明王學孟學問博雅自守甚嚴生平並不事干謁事母克盡孝

道讓產長兒鄉族稱之舉孝廉仕至知州宦橐蕭然蓋可

見其大節云今祀鄉賢

明靳撰號春沂太僕卿紹謙之長子毫無貴介氣習刻苦勤學

無書不讀手不釋卷所著有唾玉編金鳴集有孝行兩中

會副未仕今祀本府節烈祠

明張元助不知何許人也續志列名今姑存之

明馬文英子文社里人事親盡孝晨昏罔間必告必面父有疾親侍湯藥叩禱北辰求以身代天鑒其誠父疾果愈崇禎五年蒙 按院旌其門扁曰彰孝

國朝李允正白沙莊生員也康熙元年母故允正年踰五十依禮營葬竭盡誠敬廬於墓側知縣李甲黃給粟贍之親式墓廬生員崔甲釗有文記之載藝文知縣邵顯堯督開暨學院蕭俱相繼給扁以示旌表

國朝王之正定州衛郎仁屯後所人也康熙十五年母故之正

年已五十九歲哀泣如成童廬墓三年鄉人皆憐而敬之

知縣陳宗石詳憲入志扁其門曰孝可得壽時年踰古

稀矣

補遺

博陵崔儒總麻親三世同爨貞元己未言家法者以儒爲首儒
生六子一爲宰相五爲要官大常卿那太原鄉鄆外壺尚
書郎廷尉執金吾鄴左僕射平章鄴鄆及鄴五知貢舉得
士百七十八人兄弟亦同居光德里一宅宣宗嘗嘆曰崔
鄴家門孝友可爲士族之法矣鄴嘗構小齋於別寢御書
賜額曰德星堂載宋史

隱逸

晉徵士馮恢御史中丞馮統之兄也張華初駿之帝欲徵華人相馮統免冠奏曰臣以爲善御者必識六變盈縮之勢善政者必審官方控帶之宜故仲由以兼人被抑冉求以退弱被進漢高八王以寵過夷滅光武諸將由抑損克終非上有仁暴之殊下有愚智之異蓋抑揚與奪使之然耳鍾會才具有限而太祖誇獎太過嘉其謀猷盛其名器居以重勢委以大兵故使會自謂算無遺策功在不賞輒張跋扈遂造凶逆耳向令太祖錄其小過節以大禮抑之以權

勢納之以軌則則亂心無由而生亂事無由而成矣帝曰
然統稽首曰陛下既已然微臣之言宜思堅冰之漸無使
如會之徒復致覆喪帝然然頃之遂徵華爲太常終帝之

世華以列侯朝見

見晉史
張華傳

北魏崔元獻字世儁頗有學識舉秀才不行安食樂道後卒於

鄉里

隋崔廓字士元父子元仕齊爲燕州司馬廓少孤貧母賤由是
不爲邦族所齒長爲里佐屢逢屈辱於是感激逃入山中
遂博覽書籍多所通涉山東學者皆宗之既還鄉不應辟

命與趙郡李士謙爲忘年友時稱崔李士謙死廓哭之慟
爲之作傳輸之秘府廓常著論言刑名之理其義甚精文
多不載大業中卒於家年八十

唐崔良佐擢明經甲科補湖城主簿以母喪遂不仕治詩易書
春秋譌演範志象渾天等論數十篇隱共北白鹿山之陽
門人謚曰貞文孝父子元翰成進士舉博學宏詞賢良方
正異等

元祝明字文卿號素庵博學善屬文教授生徒從者雲集其長
子安肅州判官次子河間路莫州知州有廉政聲文卿屢

穆不起所著有聲律發蒙一卷行於世今祀鄉賢

兩子名不可考

故逸舉缺載舊志文卿誤入明朝今查確

改正續于廟碑得安肅州判官名入補遺

明賈斌山西行都司天城衛令史景泰間上言漢桓靈權歸宦

豎文宗受制家奴宋徽欽聽用闕寺皆馴致敗亾太上皇

失征亦由此輩臣於歷代直諫盡忠之士與恃寵宦官錄

成四卷名曰忠佞錄乞刊布臣僚庶群臣有所觀感而宦

寺亦不敢縱肆矣下禮部坐以妄言發回原衛為民

見類書

行誼

明韓洪正統間輸穀七百石賑饑朝廷給勅賜羊酒勞之勅載
藝文

明趙知新邑庠廣生員也崇禎甲申之變綠林嘯聚十室九
空民皆枵腹知新家有窖藏米麥百餘石盡召鄉人分散
濟急及

國朝定鼎之後鄉人爭償之不受又加倍不受轉以禮物酬之
仍却不受曰吾濟爾等豈望報耶閭鄉老稚迄今猶稱頌
不忘

國朝

流寓

元劉述字繼先保定容城人世所稱劉靜修先生之父也遭金
時太和貞祐之變從父南渡早有天志穎悟絕人十六棄
舉子業二十六壬辰之革饑險備嘗五月初五日從親北
渡至安平六月六日兩親連喪妻病復篤十二月二十三
日述遂扶柩歸容城年四十餘未有子常語人果無子則
已若有子必令讀書至巳酉閏二月生靜修先生果成大

儒云

見容城
三賢集

〔明〕宋登春字應元揚州人其朝號也又號海翁新河人業農家

貧嗜酒慕俠能挽強馳騎王爲詩稍通繪事年三十會一
歲問妻子女五人俱相繼死嘆曰咄嗟天平將驅我於埃
壘之外乎遂屏家於其兄囊書遠遊至博陵有故所善客
憐之餼之整舍二年默默不自得謝去跨一蹇驢足跡幾
遍天下後不知其所之吳郡徐學謨爲立傳刻其詩以行
世名朱布衣集同邑脫鎬爲刻其文名燕石集濮上李先生
芳承芳爲刻清平閣倡和鵝池續稿臨邑邢侗爲著踏海
序 本朝康熙甲子邑令王培爲立碑表里忽有天鵝雙
至今因濼刻其詩文全集併海內諸名公所咏雙鵝集

方技

明王門黃城社九甲人萬歷間以精岐黃業擢授太醫院吏目
奉勅褒嘉有保王躬而壽生民之語移封乃父王三友爲
登仕佐郎

國朝

安
州
志

卷
之
一

全

是
正
心

僊釋

元壽公和尚姓趙本居博陵鄉徐召村世業農桑夙植善根天會三年時年二十毅然脫去塵累割愛辭親具戒受業因擇漫真村古道院而居焉大定二年賜額名寧國院

邑進士劉

叙撰碑

記現存

元惠瑀字彥美號寂軒本邑居民軍判韓氏子也生而神爽志氣奇異其父曰此子言行異常兒然非與吾家之子也七歲捨身寧國院一日喟然嘆曰光陰迅速恐虛度乎從此擔簞遍遊講肆研窮性相豁然洞達諸叢林推爲講法主

固辭而退年五十九

寂有碑記
現存

明善本本邑朱氏子清修善行爲釋名徒鄉耆延請主持鑲佛

寺興廢舉墜煥然一新復鑄鍍佛三尊時宏治三年也後

遂飲水絕粒幽居一室凡三閱歲而殞

國朝

列女

聖姑姓郝氏字女君者宿相傳周末時本郡節政通元里會渦
村人也父名義母張氏世業農年踰四十無子夫妻常禱
於神不越歲生女君焉旣長性貞淑及笄父母欲嫁之女
君曰無昆季備養一旦適人反貽其憂堅辭不許其父偶
值疽發背醫莫能効女君憂遑每夕致禱於北辰之下時
復吮其穢惡或勸之曰若是恐有害於汝女君答曰願父
病愈以身代之寧是之避耶未幾果愈於是鄉人嘆曰非
孝感神明而然乎厥後父母俱以天年終罄家資以營葬

具合葬於是村之右廬於墓側寢苦枕塊卒哭而後歸時
祭哀墓以至終喪未常少懈衆皆哀而敬之寰宇記載云
一日女君與隣女樵采滁澗二水之間隣女還言見車馬
自水中出迎姑姑忽不見人謂姑姑仙於水府矣立祠祀之
後漢更始之亂光武爲蕭王北巡定冀趙中山地爲王郎
窘促走經博陵抵會渦村人馬渴甚有女行道上肩荷桶
二以水至前衆爭飲之女棄桶負杖走時從百餘騎飲水
水自譚旋盈飲人馬足不竭視女不知所在衆以爲神已
而出祠下見姑像與女肖前杖在焉王大驚後卽位思曩

自郝女君以水濟人馬之功賜以孝感聖姑之號故立廟於城北焉

漢崔篆母師氏能通經學百家之言莽寵以殊禮賜號義成夫人

漢崔寔母劉氏有母儀淑德博覽群書寔任五原太守常訓以臨民之政寔之善政著聞母有其助焉

北魏孫道溫妻趙氏夫婦流寓岐州反醜奴之反圍岐州久之無援趙氏謂城中婦女曰金州城方指義在同憂遂相率負土晝夜培城城竟免賊大業六年贈道溫岐州刺史

趙氏安平縣君

北魏李叔印妻崔氏崔巨倫之姑也巨倫有姊因患眇一目內
外親莫有求者議欲下嫁之崔氏聞而感嘆曰吾兄盛德
不幸早世豈令此女屈事卑族乃爲子冀納之時人服其
義

北魏崔挺女爲孝文帝嬪

北魏崔孝芬女爲孝明帝嬪

隋秦孝王妃崔宏度妹

隋河南王妃崔綏昇女

唐懷遠祖考唐氏事姑長孫夫人至孝春秋高無齒不能食唐

每旦乳姑長孫一日病召長幼言吾無以報媳婦願後世

子孫皆若爾孝世謂崔姓之昌大蓋有所本云

此條舊志載元端母

本按唐

元端正

唐元端母盧氏有賢操常戒子曰子姓仕宦有言其貧窶不

自存此善也若貨貨盈衍惡也比見仕者務多財以奉親

而親不究所從來必出於祿廩則善不然何異盜乎若今

為吏不能忠清無以戴天履地宜識吾意

烈婦

明翟得妻張氏年二十一歲夫以太學生肄業成均卒於京邸
氏聞訃自縊有司以事聞旌其門

明生員李重華妻趙氏與夫相敬如賓夫故之次日自縊而死
以殉葬 按院奏請建節烈坊旌之

明張玉璋妻李氏崇禎戊寅以歸寧途遇兵蜂擁圍逼氏脫簪
珥求免不得迫之上馬誓死詈罵義不受辱以刃加頸脇
之氏以磚擊兵兵怒斷其項而去今祀本府節烈祠

國朝王氏義門社王嘉慶女也適侯疇楊盡誠子三友時年俱
十六閱二載三友病卒葬畢母促歸寧氏堅辭舅姑爲請

乃許爲弱弟製一屨從容謂曰吾弟服此後不能再也弟
不解其意居無何泣告於母曰急歸我勿以兒爲念時以
五七日詣塋奠訖還拜舅姑亦不意其永訣也須臾閉門
縊死嗚呼王氏以農家女爲農家婦非有閨訓之嫻保母
之教其義烈有如此者豈非有得於天地之貞性正氣也

節婦

明郭士文妻李氏翰林院檢討郭俊之母年二十五歲夫以奉

舅姑撫孤子節孝兼全人以爲和丸斷機之賢母云

載府志

明王氏舉人呂鳳妻王均美妹也年二十一歲鳳卒於國學扶

柩歸里孝事翁姑教育孤兒壽八十餘邑士大夫皆嘉其

節

載府志

明王氏刑部員外王健之姪女適傅瑄中天順壬午鄉榜卒氏

年二十歲無子守節不渝侍奉舅姑以天年終氏七十餘

卒進士彭相爲詩紀之

載府志

明鄭氏紀架妻年十七夫亾苦志守節六十年事聞給扁旌之

明王氏張紹勳妻年十七夫亾苦節五十餘年事聞給扁旌之

明王氏生員彭守敬妻年二十歲夫亾守節三十餘年事聞給

扁旌之

明陳氏舉人金黃妻二十三歲夫亾守節事聞給扁旌之給糧

養贍以示優崇

明王氏張大業妻二十三歲夫亾撫育幼子苦守貞節事聞給

扁旌之月給糧五斗八十三歲終

明趙氏張彥妻年二十歲夫亾無子苦志守節事姑以孝稱事

聞給扁旌之扁曰姑婦孀貞每月給糧五斗每歲給色絹二端年七十五卒

明鄭氏郭義妻夫故守節蒙御史溫批詳給糧養贍貞節扁一面旌之

明鄭氏張魚妻二十二歲夫亾晝夜紡績撫育三子成立守節八十餘年壽一百三歲兩蒙按院旌獎

明王氏張大臣妻年二十八歲夫亾紡績訓子家教著名子光先游泮按院給扁旌之

明岳氏戶部郎中劉鑑第四子劉維龍之妻也年十七夫亾無

子止一幼女矢志守節裁減衣食以示孀苦終身之意事
聞建坊旌之年七十餘歲

明李氏王紀妻二十歲夫亡守節子庠生孫貢士俱早喪氏年
八十餘歲 按院旌獎扁云一門四節

明劉氏李克家妻二十歲夫亡守節四十餘年子恒性恒德俱
遊泮皆氏之教訓有成也 按院旌獎

明吳氏生員張賢彰繼妻奉姑甚孝待前子以恩撫幼子入泮
守節三十餘年 按院旌獎

明蘇氏王加彥妻二十三歲夫亡家貧孝事翁姑苦守四十餘

年 按院旌獎

明喬氏王加順妻二十四歲夫亡撫子成立早亡遺孫失母氏
又撫之以迄成立苦節四十餘年 按院給扁曰一門雙
節謂與蘓氏並表云

明王氏生員門延賓妻年二十八歲夫亡育遺腹子甘貧茹苦
撫孤全節鄉族稱之 按院旌獎

明張氏唐貝里斬勸妻二十三歲夫亡守節教育兩孤長子日
煌登仕籍 按院旌獎

明趙氏辛聯達妻十八歲夫亡苦守貞節 按院旌獎

明劉氏義民喬復亨妻三十一歲夫亡苦守三十九年撫三子

成立侍養老姑克持家業 按院旌獎

明范氏生員門春闈妻二十六歲夫亡翁姑俱逝惟幼弟孤苦

撫之如子 按院旌獎

明彭氏旗牌官閆文藻妻守節三十餘年教育孤子杜游泮入

國學孫有光食餼贊宮人以爲苦節之澤云 按院給扁

旌之

明劉氏義官張廷瑄妻夫亡苦守貞節四十餘年撫養三子成

立 按院旌獎

明安氏舉人靳撰妻二十八歲夫亾矢志守節 按院旌獎

明張氏張道化妻二十八歲夫故無子守節三十餘年 按院

旌獎

明周氏廩膳生員趙一韓妻于歸六載並未生育夫亾時僅二

十餘歲守節五十年操比嚴霜心同皎月 按院給扁旌

之

國朝王氏唐貝里生員靳成名妻二十四歲守節紡績苦辛撫

孤成立於順治四年奉 按院旌扁完節可風知縣陳宗

石彙詳入志扁其門曰節堅上壽時年九十餘歲矣

國朝郭氏崔令社李之香妻二十八歲夫亡撫孤李勲成立入
泮於順治四年奉 按院宗旌扁完節可風守節五十年

卒

國朝王氏寨子村張國珍繼妻二十三歲夫亡無所出撫育前
妻子渥入泮克守世業人以爲水操荻教之兼全者壽六
十一卒

國朝陸氏生員張霍妻年二十七歲夫殞於深州氏哀號覓屍
歸葬撫孤守節壽六十四卒

國朝宋氏渥子張魁吾妻生員宋教明女年二十一歲夫亡四

月生子鴻印事孀姑鞠幼子艱辛守節及子鴻印入津未
久又早逝氏教育二孫恢宏前業遠近嘆稱以爲婦德之
罕見焉

國朝李氏生員張鴻印妻生員李慎女二十七歲夫亡氏賦性
貞淑口無厲言孝順孀姑慈畜二子長子昭入武庠次子
曉入文庠內訓維多一門四節相繼競傳冰雪之操云知
縣陳宗石彙詳入志扁其門曰世誓栢舟

國朝李氏廟頭里生員張五教妻二十五歲夫亡同妾顏氏矢
志栢舟撫養三子勝於己出備歷苦辛長子樸早入芹宮

允賴慈訓鄉族稱之知縣陳宗石彙詳入志扁其門曰貞
慶螽斯

國朝秦氏白沙莊王冕妻十九歲夫亾守節撫孤成立家業日
隆鄉黨稱爲節兼有才者知縣陳宗石彙詳入志扁其門
曰苦節可嘉

國朝惠氏崔令社李魏妻二十七歲夫亾守節孝事翁姑貧苦
自甘隣里稱之知縣陳宗石彙詳入志扁其門曰節甘
苦

國朝王氏河漕村高崇妻二十三歲夫亾上事翁姑撫育幼子

苦節稱於鄉里已經三十餘年知縣陳宗石彙詳入志扁
其門曰節昌厥後

國朝郭氏辛莊村馮思聖妻二十七歲夫亾守志撫孤子馮國
弼入泮人嘉其節不媿栢舟知縣陳宗石彙詳入志扁其
門曰茹櫟和熊

國朝李氏任自理妻二十五歲夫亾苦志孀居節孝兼金族黨
稱之壽七十六歲卒

國朝王氏坊市社劉思溫妻二十二歲夫亾矢志守節撫孤子
劉芬入泮守節現今四十九年矣知縣陳宗石彙詳入志

卷之六
扁其門口松栢歲長

國朝王氏兩窪村李文燦妻二十歲夫亾守志遺腹子李奉才
早卒又撫幼孫李義公成立撫子撫孫艱苦備嘗矢操栢
舟已經五十餘年知縣陳宗石恪遵院憲無濫無遺之
批續據地方公舉訪確入志扁其門口節保子孫

節孝詳文附載

直隸定府晉州安平縣知縣陳宗石爲節孝久湮詳明入
志以維風化以光邑乘事竊照安平縣志自前朝萬歷己丑
年修輯以來迄今百載未及重修卑職恐因循愈久湮沒愈
多甚非所以紹前徽而開來美也不揣弁鄙欲爲續訂業經
詳憲設局延請紳衿現在纂輯除疆域山川以及職官人
物等項務必搜採史書姓名事蹟確著書傳者方敢彙入至
賦役一項亦恪遵新定志例不敢妄入前朝科則外惟是節

孝諸人事閱兩朝年踰久遠或因滄桑變革未及表揚或曰門祚式微易致湮沒或廬墓克孝而止邀邑令之旌獎或持孤盡節而已蒙院憲之給扁或有已故而堅操勁節猶爲稱道弗置或有現存而聿潔水清已知之矢靡他更有從容就義以死殉夫若此者皆屬天地之正氣實爲草野之端人今據該地方里保隣族公舉具呈懇載邑誌於此猶可見直道之在人亦風化之攸關也卑職隨批行儒學逐一確查仍親咨博訪除有碍於例不在旌表之列或訪聞未確不敢濫加稱許外考之

鼎革以後節孝共有一十六人內已奉給扁褒獎者三人未經呈報請獎者一十三人雖有已旌未旌之不等然其勵節砥行則一也亦有已故現存之各別然其皓首無玷則同也總因鄉居僻壤或爲採風之所未及更因貧苦饑寒又爲請褒之所未遑遂致湮沒而名不彰者何可勝道哉今欲槩置弗錄固非闡幽發潛之義亦非獎善勵俗之心若欲竟登志乘但未邀

上憲之褒揚豈便垂載筆之定評擬合備造節孝各姓名清册一本詳懇

憲臺批示入志庶一字之榮褒即于秋之信史於以維風化而光邑乘均有賴矣詳蒙

太府正堂趙

批仰候院

道各憲批示行繳

井陘道李

批細閱詳詞具見闡幽獎善之念殊可嘉尚

仰候

撫院並兩道批示繳

直隸巡道胡

批修明邑乘闡發潛光深可嘉尚既經通詳

仰候各憲示繳

直隸守道朱

批邑乘昭垂所關甚鉅且節孝大倫務必搜

採有據輿論僉同方可記載未便草率從事仰再細加確查逐人加看另冊詳報以憑核奪仍候

撫院批示繳

巡撫都察院

批表揚孝子節婦邑令分內事也據詳里

人李允正等或廬墓以答親恩或苦節而勵婦行倘果始終不渝孚於衆論則闡潛德之幽光本院亦所嘉許不妨敘入志內以成信史但須大公確訪無濫

無遺可也繳

附續詳守道文

復看符節孝李允正等先經據有公呈牒學確查再四採訪
輿論相符隨即加看通詳業蒙邱院憲批開入志在案但前
奉 憲駁逐人加看具見詳慎至意擬令遵照另册覆詳伏
候 憲臺批示以便入志蒙批既經覆核明確雖入志載繳

國朝馬氏辛唐屯故民邱世傑之嫡妻年十八歲夫亡守節五

十餘年續據地方公舉入志

氏有孀姑喬氏年二十六歲守志至八十餘歲而歿今孫

男生員 爾瞻猶能追念不忘豈非苦節之食報歟故樂
為並志之以勵世云

系示
...人物志

宦倖

漢趙忠安平人少給事省中桓帝時爲小黃門忠以與謀誅梁

冀功封都鄉侯延熹八年出爲關中侯食本縣租千斛靈

帝時遷中常侍封列侯與曹節等相表裏節死忠領太長

秋爲十常侍之一六年帝崩袁紹何進謀誅中官泄忠同

張讓等入省遂共殺進而袁紹勒兵斬忠捕少長皆棄之

見漢

書

明王敏唐貝里人王昭之第四子也兄弟五人敏因給事官關

掌司禮監衣蟒繫玉提督天壽太和二山鄉閭艷羨不但

家用饒裕且勃勃然有光揚先世之漸矣敏弟傑生子如
綸成嘉靖庚戌進士

安平縣志卷之七終